

1 Kolin

Pâlaŋ Kolin am ekŋengat zapat meluwaŋ ŋeŋaŋ kapi kumindaye

Zapat meluwaŋ kapi Pâlaŋ Kolin ekŋengat ŋeŋaŋ kumindaye. Kolin ekŋengat zapat meluwaŋ zut kuye yaŋgut nukŋaŋ sepem iŋŋak iŋŋakgapmti sek zut kuye. Pâlaŋ Kolin mkaen Kawawaŋgalen Zet Zapat Dolakŋaŋ Penanŋ timepme sek zut beye kan keyet Kolin dapmelaŋge msokbemindemti koge. Koti mame nukŋaŋ notnaŋ sokbeme kot zeme nâmtiyepm zapat meluwaŋ kapi kuye.

Kolin mka temaŋ ke Akaia plowis keŋaŋ tazin. Manan Akaia msat ke msat temaŋ alak pigokgat Glis makup keyet keŋaŋ tazin. Am msat keyetnaŋaŋ zelin Glik zet ke manzeip. Kolin mka keyaŋ nembu ganzenan ma msat busiliŋaŋ ŋetekŋaŋ Aika msat temaŋ ma Kolin mka temaŋgatnaŋ mezinen ke atam tatatnaŋnok mam tazin. Âpme am waŋgaen makotemien ekŋenaŋ tokwat bembululungat wisat mti sakwep mepmegalen nâmti waŋgaŋin Kolin msat busiliŋanen ke gapumoti nembet daen mebemti moti mametemien. Mme naman Kolin ke kawa kambuk iŋŋakŋen tapme keŋanen amnaŋ sesewat mulup sepem iŋŋak iŋŋak mamtemien. Kawa kambuk ŋengat keŋan Kawawaŋ sesewatsawien ma ŋengat keŋan nopiom mânep milawatgalen mene sesewatsawien ma kawa kambuk ŋengat nopiom imbi set kilengalen. Kogok mme Kolin mka ke mama mimi mgasikgalen sulumsesikaŋ Kolin am indabulut tapmeyepm Pâlaŋ zapat meluwaŋ kapi kumindaye. Nukŋaŋ notnaŋ Kolin mkaen dapmelaŋge mambien ekŋenmagen sokbeyeen kapigok: Ekŋenaŋ meu nopiom ekŋengat sâpe sâpe zemindamti naman timkot bemkwiti kwiti munduman kobeme dapmelaŋge ekŋengat tunŋuwinanen notnaŋaŋ ke met kwitim nime zezet baŋbaŋaŋmak sokbeye. Notnaŋaŋ nolinangalen mama mimiyet ektekalili mulup omba mbien. Nolin towewenaŋ ekŋengat tewalaŋ bembeyet nâmti kumindaye (7:1; 8:1; 12:1; 16:1).

Zet ŋetekŋaŋ temaŋ kapigogaŋ 1 Kolin zapat meluwaŋ keŋan talip:

1:1-9 Pâlaŋ indamukumti zemgwaŋnaŋ zet notnaŋ zeye

1:10-4:21 Zet atindândâ yaŋ dapmelaŋge kalaŋge

5:1-6:20 Msatgalen mama mimi bekananaŋ dapmelaŋge ekŋengalen
nâmkinipepeŋin waletme delaŋ zemâge

7:1-40 Pâlaŋ awimbiŋ mamayet zet notnaŋ zeye

- 8:1–11:1 Keŋ zut palen ku mamayelen; Zisas kwewetan nâmkînpemti mamayelen
 11:2–14:40 Dapmelange ŋoktik sepem ziboŋ mâti Kawawaŋ sesewatpeyelen
 15:1–58 Zisasiyaŋ gakikiyeengatnaŋ wageyepmti am nâmkînpepenimagaŋ kegogak wabep
 16:1–24 Pâlaŋ ikŋaŋgat zigok mimiyeleŋ nângeyet zemkawaŋ bemti zemgwatnaŋ mindamti eksem mamayet zemindeye
-

1 ¹Pâl neŋ Kawawaŋaŋ ikŋaŋ nâŋanok Zisas Kilaisiyaŋ buŋam zapaŋnaŋ zempalakŋaŋ bembeyelen annaŋ nakumtetiye ma ningat notn nâmkînpepenimâk kwitnaŋ Soseneŋ ²nit meluwaŋ kapi kumti Kawawaŋgalen am nâmkînpepenimâk Kolin mka teman mamaip ingat kumbemalu kozin. Kawawaŋaŋ in Zisas Kilaismak tusumindemti mme teŋ kwapme iknaŋgat zapaŋ etan mamayet indakumtetiye. Kawawaŋgalen Zet Zapaŋ Dolakŋaŋ Penan keyaŋ am sambe msat kataŋ Amobotnaŋaŋ Zisas Kilais masewatpeip ekŋenmagen penaŋ bein ma egaŋ ekŋengalen Amobotnaŋin ma sakam kegogak ningalen Amobotnaŋaŋ bein.

³Bipm Kawawaŋ ma Amobotnaŋ Zisas Kilais egetmagengatnaŋ keŋ taolet ma keŋ sewakŋaŋ inmagen wemti weweyelen mandundulup.

Kolin am ekŋenmagen zet zapaŋ dolakŋaŋgalen penaŋaŋ sokbeye

⁴Kawawaŋaŋ in Zisas Kilais nâmkînpeme keyepmti egat pembenangat keŋ taolet omba mamimindain. Neŋ Kawawaŋgalen keŋ taoletgat ma kwitnaŋ kwitnaŋ kapiyet egat kan kataŋ wisikŋ zemti mandunduyap. ⁵Eneŋog in Zisasiyelengapmti Kawawaŋ kwitnaŋ kwitnaŋ sambe in tim mamayelen indaye ke kapigok: in nânâ penaŋ keyelen yaŋaŋ kogogak winde indame nâmbien ma Kawawaŋgalen zet katnaŋ penaŋ ke amgat diindondoyet winde ŋep indayeŋaŋ tat indain. ⁶Ke Kilaisiyet buŋam zapaŋnaŋ ingat tunguwinan zemkawaŋ bemann keŋinaŋ atam katik mbien. ⁷Keyepmti in Kawawaŋgalen Emetak Teŋaŋ taolet yaŋaŋ yaŋaŋ maindain kwep ŋen ku matimalip timti in Amobotnaŋaŋ Zisas Kilais bamgat sokbemkawaŋ beme eegalen gulak damuŋ mamip. ⁸Ma Kilaisiyaŋ in kegogak bandim mimindeme teŋ mama tapmepme kan delaŋ zenze sokbeween Amobotnaŋaŋ Zisas Kilaisiyelen kokot kanen ingat myuŋguŋguŋin ŋen ku aikbe. ⁹Kawawaŋaŋ Amobotnaŋaŋ Zisas Kilais ekmak pepem bemti mamayet nâmti indakumtetime kobien. Ek zet ŋen zem ŋen zem ku mamin.

Kolin dapmelange ekŋenaŋ kalalaŋ mbien

¹⁰Kilaismagen notnne, neŋ Amobotnaŋaŋ Zisas Kilaisiyet kwitnaŋgapmti in golaŋ zet diindoma nâit. In zet mmot mtot mti

tuŋguwinan kalalaŋ temaŋ ku sokbak. In keŋ kwep bemti kalalaŋin tazin ke weyaŋme kwep bak. Mme keŋinan ma nânâŋinan tusumti keŋ kwep mamayelen nâwep. ¹¹Kilaismagen notnne, ingalen tuŋguwinan atindândâ temaŋ tasokbein keyet zapalin ke Koloweyelen sip kwep notnaŋaŋ kot dinome nâmban. ¹²Zet zapalin kapigok kot zeme nâmban. Inmagen notnaŋaŋ manzeip, “Nin Pâl egalen am.” Ma notnaŋaŋ manzeip, “Nin Apolosiyele am.” Ma notnaŋaŋ, “Nin Kepasiyele^a am,” manzeip. Ma notnaŋaŋ, “Nin Kilaisiyele am,” manzeip. ¹³Kegok ŋewangut pigok ŋep zenzeyelen Kilaisiyaŋ ikŋaŋ epeemti sambe ku beye. Ma Pâl neŋ ingapmti tewen yomengatnaŋ indatitiyele ku gakiwan. Ma Pâl nâlen kwilen tusumindemti tu ku zulutindewien.

¹⁴Neŋ inmagengatnaŋ am sambe tu ku zulutindewan yek. Keyet neŋ nâma ŋep bein. An zut Kilipusmak Gaias eget etaŋ zulutidewan. ¹⁵Keyepmti inmagengatnaŋ ŋenaŋ, “Pâlgat kwitnanen tu zulutgeyap,” ŋep ku zenzeyelen. Egaŋ kegogak, “Neŋ egalen zapaŋ,” ŋep ku zenak. ¹⁶Neŋ Stiwen ma an notnaŋ egalen mkaen matalip ekŋen tu zulutindewan ke nâmtalap. Yangut am notnaŋ tu zulutindewan ma yek ke ku nâmtâtindeyap ¹⁷enenogat neŋ Kilaisiyaŋ am tu zulutindendeyet ku zemneŋge. Egaŋ Kawawaŋgalen Zet Zapaŋ Dolakŋaŋ Penaŋ zemkawaŋbembeyelen mulup ke nange. Yaŋ neŋ am nânâŋin temaŋ ekŋenaŋ manzeip kegok am ku maapitilimindeyap. Neŋ belak Kilaisiyele tewen kumasasokpewien zapaŋ ke amnaŋ nâmkŋepeyelele mandiindoyap enenogat zet zapaŋ ke ikŋaŋgat windeŋaŋ omba penaŋ tasain.

Kawawaŋaŋ amgat set maweyaŋzin ke ŋoktik dolakŋaŋ penaŋ

¹⁸Am waleletgalen mama mimi tapmip ekŋenaŋ Zisasiyet gakikiŋaŋgat buŋam zapaŋ diindomann ekŋenaŋ nâme belakŋaŋ penaŋ mambein. Yangut am yomengatnaŋ indatetitiŋaŋ ekŋengat buŋam zapaŋ ke diindoman kemageset keŋinan Kawawaŋaŋ ekŋenmagen mulupmaŋ windeŋaŋbeŋ mamm. ¹⁹Kawawaŋgalen Zet Itnaŋaŋ meluwaŋ ŋen pigok mimiŋaŋ tazin,

“Neŋ am ŋoktikŋin temaŋ ekŋengalen nânâŋin mtot indewap. Ma am ŋoktik sambe ma otnâip ekŋen ŋoktikŋin peŋ pema mebe.”

(Aizaya 29:14)

²⁰Mti amnaŋ nâme ŋoktik temaŋ mambein ke Kawawaŋaŋ mapenpeme mezin. Kelak egaŋ am nânâ omba manâip ekŋengalen nânâ ke ku matimti zein. Egaŋ, “Am Zuda ekŋengalen zii zet nânup,” manzeip ekŋengalen nânâ ke ku matimti zein. Egaŋ am zelaŋ auuyelen weyaŋti manzeip ekŋengalen zet ke mapemewen.

^a 1:12 Kapi Pitayet kwitnaŋ ŋen gilik zeleset makuip.

²¹ In nâit, am Kawawaŋgalen Zet Zapat Dolakŋaŋ Penañ ku manâmkinpeip ekŋenaŋ Kawawaŋgalen ŋoktik temaŋ penañ ke nâme zet kilom mambein. Mme ekŋenaŋ ilinaŋgat ŋoktikŋinaŋgat Kawawaŋ ku nâmâtâtpewien. Yangut Kawawaŋaŋ am Kilais nâmkinpewien ekŋen ombemindemti yomengatnaŋ indatitiyet egalen Zet Zapat Dolakŋaŋ Penaneset nin manzemkawaŋ benup keyaŋ am Kawawaŋgat zapat maanŋgalaŋindein. ²² Zuda am ekŋenaŋ menok yaŋaŋ yaŋaŋ eegalen ŋoktikŋin temaŋ keeset bemti matalip. Ma am Zuda manŋeengatnaŋ ku sokbembenaŋ ekŋenaŋ nânâ temaŋmak mamayet ŋoktikŋin keeset mambeip. ²³ Yangut nin Zisas tewen kukuŋaŋ keyet zapatnaŋ manzemkawaŋ benup. Mme Zuda am ekŋenaŋ Kilais tewen gakiye keyet zapatnaŋ nânâyet ŋenzinziŋ mamip ma am Zuda manŋeen ku sokbembenaŋ ekŋenaŋ nâme zet ke kilom mambein. ²⁴ Yangut Kawawaŋaŋ Zuda am notnaŋ ma am Zuda manŋeen ku sokbembenaŋ notnaŋ iŋŋaŋgat zapat bembeyelen indamandaye ekŋenaŋ Kilaisiyelen buŋam zapat zemkawaŋ beme nâmti ekŋenaŋ Kawawaŋgalen windeŋaŋ am yominangatnaŋ matimkwatindein ke maegip ma nânâŋaŋ temaŋ am walelelen ku mebegalen manâin ke kegogak maegip. ²⁵ Am ekŋenaŋ Kawawaŋgalen zet keyet kilom zeme keyaŋ naman egalen nânâyaŋ amgalen nânâ masebempein. Ma Kawawaŋgat an windeŋaŋ isikŋaŋ bugan nâme keyaŋ naman egalen windeyaŋ amgalen winde masebempein.

²⁶ Ke neŋ pigok nâyapgat zema nâit: Kilaismagen notnne, in ewe iŋŋaŋgat zapat ku indakum tetiyeen baen kan keyet in sambe notnaŋ nânâmak ku mambien ma notnaŋaŋ kogogak windemak ku tabien ma notnaŋ kwizet buŋammak ku mambien. ²⁷ Am msat palengatnaŋaŋ anŋine ŋoktik temaŋinmak maombem indeip yangut Kawawaŋaŋ am ŋoktikŋin temaŋmagaŋ sakambuk mimiyelele nâmti keyepm am tototnaŋ penañ ke iŋŋaŋgalen mulup mimiyelele maonzemindein. Ma am windeŋinmak ekŋenaŋ sakambuk mimiyelele nâmti keyepm am ekŋen windeŋinpiŋ mamaip ke Kawawaŋaŋ maonzemindein. ²⁸ Mme Kawawaŋ ŋep kwitnaŋ kwitnaŋ sambe am msat kapiyetnaŋaŋ nâme mobotnaŋ mambein ke asesekgalen manâin keyepm egaŋ am tototnaŋ manŋeengatnaŋ ma am msat kapiyetnaŋaŋ nâme ekŋen am tototnaŋ bembenaŋ ma ekŋengat kogogak nâmindeme belakŋaŋ penañ bembenaŋ ke ombemindeye. ²⁹ Msalen am ŋenaŋ Kawawaŋgat zikatnan sek mmobot mnakgapmti Kawawaŋ yaŋaŋ kegok mamimindain. ³⁰ Kawawaŋaŋ iŋŋaŋgat ŋoktikŋaŋgalak in indatetimti Zisas Kilaismak tusumindeye ma Kawawaŋaŋ mme Kilaisiyaŋ ningalen ŋoktikŋ beye. Mti Kilaisimageset in Kawawaŋaŋ iŋŋaŋgat zapat mamayet ma yomengatnaŋ timkwat indemti teŋ mamayet ombemindeye. ³¹ Keyepmti Kawawaŋgalen Zet Itanaŋaŋ meluwaŋ pigok mimiŋaŋ,

“An ñenaj ikñangāt sekñaj ku mobe. Amobotnañaj mulup mge keyet nâme mobe.”
(Zelevaia 9:24)

Pâlañ Zisas kumasasokpepeñaj keyet zapat diindoye

2 ¹Âpme Kilaismagen notnne, neñ inmagen koti Kawawañgalen zet enzililiñaj penaj zewan ke zet dolakñaj weyañti zenze ma ñoktik temañ temañ ñen timti ku diindowan. ²Neñ kapigok nâmkatik bemti inmagen koban. Zet notnañgat yek; Zisas Kilais tewen kumasasokpewien keyet zapatnañ etañ diindosât koban. ³Neñ inmak mambanen kan keyet neñ sebetn sukñaj beme kingati sebet diñdiñ palen mamban. ⁴Neñ zet zemzikat indandan ma zet zapat zemkawañ bewan ke an ñoktikñjin temañaj zemkawañ bemti mamip keyet katañ ku mban. Neñ Emetak Teñaj winde name Zisasiyelen buñam zapat ke zemkawañ bema in nâmkinpewien. ⁵Wa ke am ñoktikñjin temañ ekñengalen zet sakam ku zewan. Enenogat neñ nâmbanen ingalen nâmkinppepeñin ke am ñoktik temañ ekñengalen zelen peme ku wetekum tatagalen nâmban; Kawawañgalen windeen peme wetekumti tatagat nâmban.

**Kawawañgalen Emetak Teñaj kwitnañ
kwitnañ manzemkawañ bemndain**

⁶Yangut neñ am nâmkinppepeñin katikñan ma Amobotnañgat zetnañ mañgawepuip ekñengat tunguwinan talawen buñam zapat Kawawañgalen ñoktikñaj temañmak neñ zet mandiindoyap. Naman zet manzeyap keyañ neñ am ñoktikñjin temañmak msat kapiyelen amobotnañ manzeip keboñ yek. An ekñen keyelen ñoktik ke belakñaj penaj bewe. ⁷Yangut nin zet enzililiñaj manzenup ke Kawawañmagengatnañ. Zet enzililiñaj kapi Kawawañgalen ñoktik temañ eweñan baen msat ku weyañgeen ke nâmbiliwege. Zet enzililiñaj ke Zisas Kilais nin pembenaj bembeyet ketalasim ndaye. Yangut egañ an ñen ku dundum mamkwatnepeme alak tatnuwen kapi kwazin. ⁸Msalengatnañ amobotnañ ñenaj Kawawañaj ñoktikñaj temaset kwitnañ kwitnañ setnañ zigoset mamin ke ñenaj ku nâmtâtâge. Ekñenaj Kawawañgalen ñoktik temañ ke ku nâwien keyepm Amobotnañ Kawawañgat yañaj penaj mamsokbein ke tewen kuwien. ⁹Keyet Kawawañgalen Zet Itnañaj zet meluwañ kapigok mimiñaj tazin,

“An ñenaj zikalañ ku ege ma wagañ ku nâmtâtâge ma an ñenaj Kawawañaj kwitnañ kwitnañ pembenaj am ek gogot mammpeip ekñengat indandayelen weyañ beye ke ku eknâmmge penaj.”

(Aizaya 64:4)

¹⁰Nin kwitnañ kwitnañ pembenaj ke nin nâmtâtâtnup enenogat Kawawañgalen Emetak Teñaj zemâtâtndaye. Ke penaj enenogat Emetak Teñaj Kawawañgalen ñoktik temañ biliawatnañ sambe

ke maekmâtâzin. ¹¹ An ñenaj ñep notnangat keñangat yañaj ku nâmâtâtdak keñ toñajaj iñaj kwewetaj manâmâtâzin. Kegogak Kawawangat keñangat yañaj an ñenaj ku nân; Emetak Teñaj etaj ñep nâmâtâzin. ¹² Âpme nin Emetak Teñ am ñoktikñin temajmagengatnaj ke ku tiwenn. Yek, nin Kawawangalen Zet Zapat Dolakñaj Penaj ke eknâmâtât mimiyeleñgapm iñajngalen Emetak Teñ ke ndaye. ¹³ Keyepmti nin zet mandiindonuwen am ñoktikñin temajaj manzeip keyet katañ ku diindowenn yek. Nin zet Emetak Teñaj manzemzikat ndainen ke mandiindonup. Sepem kegogak nin am kwitnaj kwitnaj mandiindonuwen Emetak Teñaj mandiindoin sepem kegogak mandiindonup. ¹⁴ Am ñen Emetak Teñajpiñ egaj Kawawangalen Emetak Teñgalen zet ku manân ek kwilekiñangat nâmâtâtnak? Eñaj zet ke nâme penajepiñ mambein. Zet ke am Emetak Teñ tat indain etañaj maweyajñâmâtâlip. ¹⁵ Am Emetak Teñ keñinan tazin ekñenaj kwitnaj kwitnaj keyet yañaj ñep manâmâtâlip. Am Emetak Teñ keñinan ku tazin ekñenaj am Emetak Teñ keñinan tazin ekñengat zelin zemdelaj zenze mulup ñep ku mimiyeleñ.

¹⁶ “Amobotnangat keñanen zet tazin ke an kwiyañ nãñgeyañ ñep zemâtât zikat same mnak?” (Aizaya 40:13)

Nin Kilaisiyelen ñoktik ke Emetak Teñaj zikat ndame ke etaj timti manup.

Dapmelange ekñengalen an ñeñaj bembe ekñen Kawawangalen mulup an

3 ¹ Kilaismagen notnne, neñ inmagen koti am Emetak Teñaj indadamuñ mme mamaip ekñengat zet diindondoyelen keyet katañ ku diindowan. Ingañ ñoktikñin am msat kapiyelen sepem keboñ ma in Kilaisiyelen buñam zapat ku nãwien keyepmti neñ ingat okak ekñengat zet zewaknok zewan. ² Neñ meu katikñaj ku indawan, belak nam etaj indama nimbien ma meu katikñaj zigok nimbiek? Enenogat kan pigogak in meu katikñaj niniyelen katañ ewe ku beip. ³ Alak in am Emetak Teñaj indadamuñ mme mamaipnok ewe ku mamaip. Ingañ ñoktikñin am msat kapiyelen sepem keboñ nãmti pepet ma atindãndãndã tunguwinañ mti am nãmkĩñpeñinpiñ ekñenaj mti maip sakam kegok tapmip. ⁴ In pigok tazeip, “Neñ Pãliyeleñ am,” ma “Neñ Apolosiyeleñ am.” Kegok tazeip keyaj zeinen in am msat kapiyelen nemboñ beip.

⁵ Apolos ma neñ nit kwiyeñ in nigat egegalen am manzeip? Nit mulup an etañaj belak Kawawangalen Zet Zapat Dolakñaj Penaj diindomalul in Kilais nãmkĩñpewien. Keyet katañ Amobotnanañ mulup iñajngat kwep kwep zemndeyenok mbelin. ⁶ Neñ alikñaj katnaj etaj onzewan. Âpme Apolos egaj kegogak nusinañ etaj mge. Âpme Kawawangaj iñaj mme penajaj sokbeye. ⁷ Keyepm an katnaj ondeye ma nusinañ mge

keyañ mulup omba penañ mge ñep ku zenzeyelen. Kawawañañ mme penañañ masokbeingapmti egañ mulup omba mamgulak ñep zenzeyelen. ⁸Maondeme mozin ma nusiñañ mamin an eget ke sepemit kwep. Yangut mulup mimiñit dangat katan tosañangulak iknak iknak tiwalup. ⁹Nit belak Kawawañ mukulem mimiñañ anenet mme in Kawawañgalen mulupmañgalen msat nembon. Kogogak in Kawawañgalen mka nembon nit tawalalup.

¹⁰Kawawañañ keñ taolet mnamti nânâ nançe katan neñ mka walalalan tanjawat kaliñañ pema towege. Âpme timbilançe ilak mpepeñañ keyet palen amnañ mka penañ tusumti tawatmolip keyepm am ekñen keyañ weyañ nâmâtâtati walapbep. ¹¹Kawawañañ Zisas Kilais amnañ mka timbilançe mampeipnok bempewe. Zisas Kilais ek am nâmkinpepeñinmak ekñengalen mka timbilançenñ keyepmti an ñenañ asekti timbilançe alakñañ mimiyele sakam yek. ¹²Âpme mka timbilançe mpepeñañ keyet am notnañañ tusumti gol ma silwa ma nanañ tosañañ temañ ma tep ma mgek ma puñ kawaseñ kebonañ walamobep. ¹³Kan temañgat Zisas kobe keyet muluwinañga yañañ tewañ zimti mka butnañ kwep keyet kwiyañ katikñañ ma bakñañ walalatnañ keyet penañañ msokbewe. Mka keyet palen tep temañ zimti tewañ mka mulup mimiñañ keyet yañañ msokbewenok am kwep kwepgalen kegogak mbe. ¹⁴Âpme an ñenañ mulupmañ mka timbilançe mpepeñañnok keyet palañañ walage ke tewañ zim alewe beme egañ keyet tosañañ tiwe. ¹⁵Ma an ñeniyelen mulupmañ ke tewañ zime delañ zemâbe beme mulupmañgat tosañañ ku tiwe. Âpme mka toñañ ke zinziyele bududuk penañ tapmeñgut Kilaisiyañ an iknaj ke etañ angalañpewe.

¹⁶In Kawawañgalen sesewat mka ma Kawawañgalen Emetak Teñañ ingat tunguwinan mamain. In kegok nâmtalip ma yek? ¹⁷Kawawañgalen sesewat mka ke iknajgalen etañ. Sesewat mka ke dapmelançe in kemak. Keyepmti am ñenañ Kawawañgalen dapmelançe sesewat mka nembon ke walebe beme Kawawañañ kegogak an ke waletpewe.

¹⁸In keñ otnânânjin ku tetipewep. Inmagengatnañ ñenañ nâme ñoktikñañmak bewe beme egañ am msat kapiyele ekñenañ maotnâit sepem kebon. Egañ iknaj ñoktikñañmak ku nâwe. Egañ kogok peme tapme Zisas nâmkinpewe keyañ mme ñoktikñañmak penañ bewe. ¹⁹Enenogat msalengalen kwitnañ kwitnañgalen ñoktik kebon ke Kawawañañ nâme belakñañ penañ mambein. Kawawañgalen Zet Itnañañ meluwañ ñen kapigok mimiñañ tazin,

“Egañ am ñoktikñin temañ ekñenañ kwitnañ kwitnañ tetimae palen tapmme Kawawañañ ke timti ankapipilinok ompeme indowe.”

(Zop 5:13)

²⁰Ma ñen ewe kapigok zenzeñañ,

“Amobotnañ egañ am nânânjin temañ ekñengalen zet nâme belakñañ etañ mambein.”

(Sam 94:11)

²¹Keyepmti nin ingat an njanjan tapmanup kalan kumndemti, “Nej ekmak talap,” zemti sek mmobot palen ku mambeip. Yangut kwitnanj kwitnanj sambe ke ilinangalen zapat: ²²Nej ma Apolos ma Kepas nin ingalen zapat mammanup ma msat kululuŋ ma wenzim eyonŋa talip ma gakiki ma alik mama pigogat wein ma bam wemobe ke ingat zapat bein. ²³Ma in Kilais egat zapat mambeip âpme Kilais egan naman Kawawangat zapat bein.

Amobotnanaŋ ikŋaŋ mulup anene ekjengat yaŋin msokbemâbe

4 ¹Kogogapm ningat nâmdeme nin Kilaisiyelen mulup an ma egan mulupmangat njanj bembem ndeme nin amgat Kilaisiyelen buŋam zapat itnanaŋ ku nâwien ke zemkawaŋ bembeyelen ndeye kogok nâwep. ²Âpme Kilaisiyelen mulup an ekjenaŋ weyaŋti muluwin zemâtâtindendaŋnok nâmsemetj mbep. ³Mti naman pi nanaŋgat yaŋj zema nâit. Nâlen mulupgat in ondedakŋinan manzemkwalalip beme nej keyet yayaŋ ku mamiap. Ma nej nâmtalawen nej mulupm nen ku myunguwan. ⁴Nej Kawawangalen mulup miminangut myungungu nen ku mban ke nâŋap yangut nej yompiŋ penaŋ mayap kegok nen ku zenzeyelen. Amobotnanaŋ nâgât yaŋj ewe msokbewe. ⁵Keyepm in amgat yaŋin bekanan zemti msokbembeyet mulupmanj sakwep ku mbep. Amobotnanj egan ikŋaŋ koti kwitnanj kwitnanj enzililiŋan tazin ke mkawaŋ bemâbe ma am keŋan nânâ ziboŋ tapmezin ke kegogak msokbemâpbe. Mme zemdelan zenze kanen Kawawanganaŋ ikŋaŋ sakamin nâmti keyet katanj zemesesewatindewe.

⁶Kilaismagen notnne, in zet kapi ilak manzeip, “Zet kumpepeŋaŋ ke ku sebempepeyelen.” Zet ke yaŋaŋ kapigok, Kawawangalen zelen zet tazin ke ku sebempepeyelen. In zet ke gawepup beme an njanjine njengat sekŋaŋ mmoti njengat peme topme kegok nen ku mimiyele. Nej ma Apolos nigat palen in kegok mamip. ⁷In ilinangat sekŋin mmopemti am notnangat kwit zapalin mamtotpeip. Kegok ke kwiyaŋ zemindeyeyepm mamip? Âpme kwitnanj kwitnanj sambe taindangaŋgut ekjenmagengatnanj kwep nen Kawawanganaŋ ku indadanaŋ, ma? Ekjen sambe ke Kawawanganaŋ talasim indadanaŋangut in nâme ku indadanaŋnok beme sekŋin mammolip.

⁸Âpme in nâme, “Kawawangalen zet sambeyet yaŋaŋ ilak bemisik ndeyeyaŋ manup,” manzeip. In nâme ninpiŋ ilinak amobotnanj nen kwebenek zemti ilinagak amobotnanj bewienan talip. Nej nâma in amobotnanj nen tabiek ze nin inmak tusumti amobotnanaŋ tabenek. ⁹Amnanj kogak nâme nin belakŋaŋ pewewenaŋ gakikiyet zapat penaŋnok beme tetepulet mimindamti yeyengalen nembonj kwitnanj kwitnanj sambeyet zikalinan ma ensel sambe ma msat palen am ilindiŋ penaŋ tatndigip keyepm nej nâma Kawawanganaŋ nin an ombemndemti buŋam

zapatnaŋ zemkawaŋ bembeyelen anene mundum delaŋ zenzenaŋ tototnaŋ penaŋ ndeye mambein. ¹⁰In nâme nin Kilaisiyelen mulup mamnupgapmti an kopanok benup. Mme in nâme ilin Kilaismagen nâmkîŋpeipgapmti am ŋoktikŋin temaŋnok mambeip. Âpme nin windenpiŋ mme in windenjinmak kogok nâip. Ma nin tototnaŋ benup mme ilin mobotnaŋ beip kekok nâip yaŋgut enenogat kekok ke zeap ¹¹nin tu meuyet gakim walet mbennaŋ ewe mamnup. Mti elimiak miakpiŋ ma kasayaŋ mandoip ma mkayet olat olat palen mammanup. ¹²Mti kwileki bugan aikti mamayet nâmti nin betnaŋ mulupmaŋ temaminup. Ma am notnaŋaŋ saik makumndeiwaŋgut nin Kawawaŋaŋ pembenay etaŋ mimindandayet mandundunup. Ma amnaŋ sisipenpeŋ mti kasa mamndaiwaŋgut nin epumtati dopmaŋ ku mamnup. ¹³Amnaŋ dekuku mindame keŋ sewakŋaŋ zet mandiindonup nin mgasik penaŋ bemti msat sambe ekŋengalen isek iseknok bemti mam kobenaŋ ewe mammanup.

¹⁴Âpme neŋ meluwaŋ kapi sakambuk indandayet ku kuyap. Belak nanangŋat nemunambanne gogot mimindawaknok mti golaŋ zet etaŋ zemti m indayap keeset indamukulem miap. ¹⁵Kilaismagen am mukulem mimiŋine sambe penaŋ mene tatindaip, yaŋgut ŋenaŋ ingat biwinnemboŋ penaŋ ku tazin. Neŋ kukuŋangŋat Zisas Kilaisiyepm Kawawaŋgalen Zet Zapat Dolakŋaŋ Penaŋ diindoma nâmkîŋpewien keeset neŋ kwewetaŋ kapiyaŋ biwin bewanaŋ indadamuŋ mti mayap. ¹⁶Keyepmti neŋ kapigok apitilim indesowap in neŋ mayapnok napmâti mamambep. ¹⁷Keyepmti neŋ Timoti Amobotnaŋmagen nemun pembenay gogot mampeap ma ek an mulupmaŋ nâmsemti mam zempema inmagen kozin. Koti egaŋ neŋ Zisas Kilais nâmkîŋpemamti mama mimi mamiap ke ma msat kataŋ meti am manzemzikat indayap eget keyaŋ sepem kwep mambein kekok diindowe.

¹⁸Inmagengatnaŋ notnaŋaŋ nâgâek, “Ku kobe,” zemti mobotnaŋ mbien. ¹⁹Kegok tapmiwaŋgut neŋ Amobotnaŋaŋ nâme ŋep bewe beme kan belaknik bugan inmagen ke kobap. Koti an notnaŋ mobotnaŋ tapmip ekŋen zeletaŋ tazeip ma Emetak Tengaŋalen windemak tazeip ke eknâmbap. ²⁰Enenogat Kawawaŋgalen zemâtâtât katnaŋ mama ke Emetak Tengaŋalen winde palen masokbein amnaŋ zelak zelak etaŋ mamip ke yek. ²¹Ke penaŋ in neŋ ŋenzinziŋmak ku kokogalen nâip nâyp keyepmti in mama mimiŋin weyaŋit mme neŋ gogot ma keŋ sewakŋaŋ palen kobap.

Kolin dapmelange mama okbi okbiŋaŋmak mbien

5 ¹Neŋ ingalen zapat kapigok ilak penaŋ dinome nâmti talap. Inmagen kwitnaŋ kwitnaŋ okbi okbiŋaŋmak am Kawawaŋaŋ ku nâmkîŋpemti maip notnaŋ ekŋenmagen ku sokbembeyelen ke inmagen sokbemti tazin. Nemuŋaŋaŋ gilik zemti naman mamaŋ mpelaŋgunguŋaŋmak alak set kilen

malup keyet zeyap. ² Mama mimi keboŋ mmambe in naman mobotnaŋ igagen tapmip. In mama keboŋ ke weingapmtiŋgut kemberŋ mti an keboŋ ke peme ingat tuŋguwinan ku tabe. ³ Neŋ sekŋnaŋ beŋan pien tapme nânânnaŋ inimagen kopme an muluwaŋ bekaŋaŋ ke mge eget zet ingat tuŋguwinanok mamti zet zewaknok ilak kapigok nâmdelaŋ zewan. ⁴⁻⁵ In ondektapme neŋ keŋŋnaŋ etaŋ inimagen tusumtati zemdelaŋ zempeman an keyet keŋaŋ sekŋaŋ mama mimi itnaŋaŋgalen ke tikŋaŋ nâmezingapm Amobotnaŋ Zisas egat kwitnanen Sadaŋgalen kimbaleŋ pemann sek sindem tusumsawe. Nin kekok mmann egaŋ zupman totati keŋ itnaŋaŋgalen tikŋaŋ keyet, “Yek,” zenzeyelen winde timti tabe. Mme keeset keŋaŋ gilik zeme Amobotnaŋ egalen kanaŋ daŋgome an kemak in temakwep Amobotnaŋaŋ indatiwe.

⁶ Mama mimi bekaŋaŋ keboŋ tatindame in sekŋin mammolip keyepmti neŋ nâma ŋep penaŋ ku bein. Bo kaŋkaŋaŋ ek isikŋaŋ buganaŋgut bo penaŋ olekme bumann keyaŋ bo penaŋ mme akŋaŋ mambemâzin. Ke in nâip, ma? ⁷ Sipsip yomgat dopmaŋ kukuŋaŋ ke Kilais. Ingat kaŋkaŋin indam menzemtimaŋbâtnaŋ keyepmti akŋaŋin ekmâtâti peme mepme penaŋin tikŋaŋ bewe. ⁸ Kilaisiyaŋ ningat yomnaŋgat dopmaŋ gakiye keyepmti kwilekiki akŋaŋ ke katikpewanup ma mama mimi bekaŋaŋ akŋaŋ ke katikpemtati mama mimi busatnaŋaŋmak ma penaŋaŋmak ke mtati Aŋgalalaŋ Kendo Penaŋ ke tatne.

⁹ Eweŋaŋ neŋ meluwaŋ ŋen kapigok kumindama ekbien. Meluwaŋ keyet keŋanen kapigok zewan in am set kileŋ maip ekŋenmak zenâ zenâ ma aem kwaem ku mbep. ¹⁰ E am Kilais ku manâmkinpeip ekŋenaŋ set kileŋ mama ma nolineyelen kwitnaŋ kwitnaŋ ego ego mti kileŋ matip ma am kambu titi ma nâmkinpepe dâsuki notnaŋ mamip ekŋen katikindemti ilinak paŋsetnak tatagat ku nâmti kuwan. Enenogat ekŋen msatgalen am mme nin kogogak msalen kapiyelen am mamanup. ¹¹ Neŋ kapigogapmti kumindawan. An ŋen nâmkinpepeŋaŋmak ŋenaŋ set kileŋ mamain met walebe ma notnaŋgalen kwitnaŋ kwitnaŋ notnaŋ ego ego mti mandamtiwien ma nopiom sesewatindanda ma nolineyet dekuku mamip ma tu katikŋaŋ nimâbât ma kambu titi an. Am ekŋen keboŋ katimindeme met zupman mame in naman ekŋenmak zet zenâ zenâ mti tu meu nimwiaŋ wiaŋ ku mbep.

¹² Neŋ am Kilais ku nâmkinpeip ekŋengat zet zemti ku zemdelaŋ zemindewak. In ilinaŋgat noline Kilaismagen maip ekŋengat mimyuŋguŋuŋinaŋgat musuwewet zet diindome ŋep bewe. ¹³ Âpme am Kilais ku nâmkinpeip ekŋengalen mimyuŋguŋuŋinaŋgat zetnaŋ Kawawaŋaŋ zemdelaŋ zewe. Naman in Kawawaŋgalen Zet Itnaŋaŋ mâti, “Inmagengatnaŋ am bekaŋaŋ mimi keboŋ ke indeme ingat tuŋguwinan ku mambeb.”

Nukŋaŋin notnaŋ sokbemindame ilinak ku zemdelaŋ zewien

6 ¹ Inmagengatnaŋ ŋenaŋ notnaŋmak kalalaŋ mbe beme egaŋ kalalaŋit ke mmeti am Kilais ku nâmkinpeip ekŋenmagen notnaŋ

zelen ku pewe. Ekjelaŋ nâmkîŋpepeŋinmak ilinaŋgat tunġuwinan kalalaŋit ke weyaŋbalup. ² Am nâmkîŋpepemak nin maneti am nâmkîŋpepeŋinpiŋ ekjengalen zet zemdelan zewanup ke in nâip keyepmti ilinaŋgat tunġuwinan zet notnaŋ isikŋaŋ sokbeme ŋep zet zemdelan zenze mulup mbep. ³ Nin ensel ekŋen kegogak zet zemdelan zemindewanup ke in ku nâip? Ya nin keboŋaŋ nukŋaŋ notnaŋ nnaŋgat tunġupmnaŋ sokbeme zelin zemdelan zenzeyet nâmtemtem ku mimiyele. ⁴ Kalalaŋ keyelen nukŋaŋ sokbeme am Kilais ku manâmkîŋpeip ma dapmelaŋge ekjenaŋ an ekŋen ke indikme an damuŋ ku mambeŋ ekjenaŋ zet zemdelan zenze mulup ku mbep. ⁵ Mama mimi kapi mamip ke nâme sakambukŋaŋmak bembeyet nâmti zet kapi diindoyap. Neŋ nâyaŋ inmagen an ŋen zet nâmtâtâtânaŋ dolakŋaŋ main in nukŋaŋin ekmagen mmepme egaŋ ŋep zelinaŋgat zemdelan zenze mulup mbe.

⁶ In kegok penaŋ ku mamip, yek penaŋ. An nâmkîŋpepemak zulaŋ nâmbekambembeŋit tapme in katikpeme an nâmkîŋpepeŋepiŋ ekŋenmagen mmepmalu manzem musuwetindeip. ⁷ Âk kalalaŋin zupman mmeti weyaŋsât zeip beme Kawawaŋgalen set ku mâti mme keyaŋ am nâmkîŋpepeŋinmak sakambuk indamti Kawawaŋgat kwit zapatnaŋ mamtotpeip. Set keboŋ dolakŋaŋ yek. Nodaŋ myuŋguŋgap ke timane weme nâmpemane gâlen kwitnaŋ kwitnaŋ notnaŋ tiwe.

⁸ In ilinaŋgat tunġuwinan nâmkîŋpepeen noline ekjengalen kwitnaŋ kwitnaŋ tatetimindem tip ma myuŋguŋgu sambe tapmip. Kok penaŋ ke tapmimindaip ke ŋep penaŋ yek.

⁹⁻¹⁰ Am set kileŋ mamaip ma nopiom masesewatsaip ma awembiŋ kalalaŋ mamip ma an anekgaŋ muluwaŋ bekaŋaŋ mamilup ma an kambu titi ma amgalen kwitnaŋ kwitnaŋ notnaŋgat eyak mamip ma am tu kaliŋaŋ omba manip ma nolinaŋgat zemtalalat zet manzeip ma kwitnaŋ kwitnaŋ tetimaem titi. Am mama mimi bekaŋaŋ kegok mamip ekjenaŋ Kawawaŋgalen zemâtâtât katnanen mama keyet keŋan ku mebeŋ keyepmti in bekaŋaŋ sambe kapi ŋep mimiyele zemti keŋin ku tetipewep. ¹¹ Itnaŋan in notnaŋ sepem kegok ke mti mamkwabien yaŋ pi ilak in Amobotnaŋ Zisas Kilais nâmkîŋpeme egaŋ yomin sambe zemzuluge. Mme Kawawaŋgalen Emetak Teŋ ikŋaŋgat zapat mame Kawawaŋaŋ indikme an teŋ bewien.

¹² Am notnaŋ, “Kwitnaŋ kwitnaŋ sambe kapi ŋep mimiyele,” kegok tazeip. Yaŋgut kwitnaŋ kwitnaŋ ke mma ŋep ku napmukulem mbe. Kwitnaŋ kwitnaŋ sambe ŋen mimiyele tapmezin, yaŋgut ekŋenmagatnaŋ ŋenaŋ neŋ nadamuŋ mimiyele ku nâmpewap. ¹³ Tu meu ke tip kambakŋinaŋgat kwitnaŋ kwitnaŋaŋ etaŋ âpme tip kambakŋin ke tu meuyet eleŋaŋ. Kegok kek penaŋ yaŋgut eget ilisakwep Kawawaŋaŋ indawalepme yek bewalup. Sekŋ kapi set kileŋ mama keyet

zapat yek; ke Amobotnangtat zapat bein. Egan sekjinangtat tojanan iktan ekdamun mamm. ¹⁴Âpme Kawawanang Amobotnan gakikiengatan mme wage keyet katan maneti egalen windeen sekj kapi mama alaknan samti mme wabanup.

¹⁵Sekj kwewan butnan butnan sambe sepem kogok nin sambe Kilaisiyet zapalan egat sekjan kwep keyet butnan kwep kwep benup. Ke in nâip, ma? Ke nâmtingulak in Kilais nâmtinpepejan in sekjin kilom timeti imbi set kilemak tusum tapmaip beme ke pembenan penan yek. Kelak peme tasem. ¹⁶Kawawangalen Zet Itnanan meluwan kapigok mimiñan tazin,

“Egat zulan pepen bimalu sek kwepnok mambein.” (*Sokbembe 2:24*) Kegogapmti an ñenan imbi set kileñton ekmak mepmain beme egan ekmak keñan aem kwaem mti eget kwepnok mambelup. Kegok ke in ku nâip, ma? ¹⁷Ma naman ñen egan Amobotnan ekmak tusumti keñ kwep bemti pepen mambelup.

¹⁸Am ñenan yom notnan ñen mbe keyan sekjan zigok ñen ku mamsain yangut am ñenan set kileñ mambe egan sekjan Amobotnangtat zapat zenzenan ke walebe keyepmti in set kileñ mama eksemti kunzunbep. ¹⁹Ma in kapigok ñep penan nâip, sekjin ke Emetak Tengalen sesewat mkanok bein. Emetak Teñan ingalen sekjin keyet keñan ke mamayet Kawawanang ketalasim indaye keyepmti ingalen sekjin ke ilinangalen etan yek. ²⁰Enenogat in Kawawanang tosa temañ penanang indakwitiye keyepmti sekjinang Kawawangalen kwizet bunaman mwawatgat mulup mbe.

Awembiñ mamayelen zemâtâtât

7 ¹In yan kwesisi kumbeme koge ke meluwanen bemti pigok zemâtâtindama nâit. An ñenan imbi wawatpiñ masât nâme e ñewak bewe. ²Yangut set kileñ mamayelen tetimaemae temañ penan tazin keyepmti an ma imbi ñenan apman ma imbiñan wati ekmak etan esemten mambe. ³Kegok mti apmanan sekjan imbiñangtat anjanan ku mpewe ma imbiñan ke gogak sekjan apmanangtat anjanan ku mpewe. ⁴Imbiyan iktanangtat sekjan tojan yek; apmanan tojan bein. Ma apmanan ke gogak iktanangtat sekjan tojan yek; imbiñan tojan bein. ⁵Awembiñ, in sekjin anjanan kileñ penan ku mbep. In dundundu msât kan keyegut an imbiyan ilisakwep zenâmti keñ kwep bemti segit anjanan mti kan tungupman isiknan bugan ke dundunduyet otnâwalup. Mti keyet palanan an imbi mama mimiñit ke ñep tusumti mambalup. It kegok mti an imbi mamayet tiknan damun mmalu Sadanan tetimae ñep ku idemti yomen ku idatimtowebe. ⁶Awembiñ mama kapigoset mambiegen ñep mene benak keyet nâmti zet kapi zeyap. Wa zemkatik bemindemti ku zeyap. ⁷Nanangtat keñnan pigok nâyp: Am sambe pi neñ mayap kegok imbi

wawatpiŋ mambenek. Yanggut Kawawaŋaŋ winde sepem igak igak ndame notnaŋaŋ imbi ma an wawatpiŋ ma notnaŋ awembiŋ bembeyelen winde maindain.

⁸ Sipkotem ma animbi kwambet ingagulak pigok zeyap: In neŋ imbi wawatpiŋ belak mayap sakam keboŋak mambiek beme ŋep benak.

⁹ Yanggut sipkotem ma animbi kwambet in awembiŋ mamayelen sek tikŋaŋ omba tapme sekŋin ŋep ku damuŋ mimiyeleŋ beme awembiŋ ŋep bewep. Mneti sekŋinaŋgalen tikŋaŋaŋ indamandame yom mbepgat awembiŋ ŋep bewep.

¹⁰ Awembiŋ maip ekŋengat zet pigok zema nâit (kapi nenaŋgalen zet yek; Amobotnaŋaŋ zeye): Imbi ŋenaŋ apmaŋ ku asekpemti mebe. ¹¹ Ma ilak apmaŋ asekpemti megeyaŋ main beme egaŋ apmaŋ peme tapme mege ke ewe kot zet weyaŋti wabe. Âk yek beme an ŋen ewe ku wabe. Ma an ŋenaŋ kegogak imbiŋaŋ ku asekpewe.

¹² Ma am notnaŋ sambe ingat nanaŋgat keŋnaŋgatnaŋ zet zesowap. Wa ke Amobotnaŋaŋ zet ŋen zeye keyetnaŋ yek. Zet ke kapigok: An nâmkŋpepeŋaŋmak ŋenaŋ imbi nâmkŋpepeŋaŋpiŋ wage yanggut imbi keyaŋ ekmak mamayet tikŋaŋ nâin beme imbi ke ku asekpewe.

¹³ Ma imbi nâmkŋpepeŋmak ŋenaŋ apmaŋ nâmkŋpepeŋepiŋ wage yanggut an keyaŋ ekmak mamayet tikŋaŋ nâin beme apmaŋ ke ku asekpewe. ¹⁴ Enenogat neŋ kegok zeya? An Kilais nâmkŋpepepiŋ egaŋ imbi nâmkŋpepeŋmak walep manan imbi nâmkŋpepeŋapiŋaŋ an nâmkŋpepeŋaŋmak walep beme ekŋetmagengatnaŋ ŋenaŋ nâmkŋpepeyet setnaŋ zulutme ŋandem tazingapm Kawawaŋaŋ nâme ŋep mambein. Keyepmti Kawawaŋaŋ keboŋagak nemunambaŋane ekŋen maminbiwineyeleŋ nâmkŋpepeyepm ekŋenmagen kogogak nâmkŋpepeyeleŋ setnaŋ zulutme ŋandem tazingapm nâme ŋep mambein.

¹⁵ Yanggut an ma imbi ŋenaŋ Kilais ku nâmkŋpepein egaŋ imbiŋaŋ ma apmaŋ nâmkŋpepeŋaŋmak ŋen pemti mesât giŋgiŋ mme nâmpeme ŋep mebe. Keyet zemkululuŋaŋ ŋen ku tazin. Enenogat Kawawaŋaŋ sewakŋaŋ palen notn notn mti mamayet nâmti indakumtetime kobien. ¹⁶ Imbi, geŋ apdi mama mimi dolakŋaset mukulem mmane egaŋ nâmkŋpepeŋmak benak ma yek? Set ke geŋ ku nânik, ma? Ma an, geŋ imbindi mama mimi dolakŋaset mukulem mpemane egaŋ nâmkŋpepeŋmak benak ma yek? Set ke geŋ ku nânik, ma? Keyepm an ma imbi nâmkŋpepeŋepiŋ watnaŋaŋ geŋmak mamayet tikŋaŋ nâin beme asekppepiŋ.

Nin Kawawaŋaŋ mama mimi nâmtikŋaŋ mamnen mâti mbanup

¹⁷ In mama mimi zigok mti mame Kawawaŋaŋ indakumtetime nâmkŋpepeen kwabien ke ilak mti mambep. Neŋ zet sakamaŋ kebon

am nâmkînpemak mka sambe manzemkawaŋ bemindam melap. ¹⁸An sekŋaŋ butnaŋ piliŋaŋmagaŋ nâmkînpemak beye beme egaŋ piliŋ ke asesekgalen ku nâwe ma an sekŋaŋ butnaŋ piliŋepiŋ tati nâmkînpemak beye beme egaŋ sekŋaŋ butnaŋ piliŋmak bembeyelen nâmti ku antiwe. ¹⁹Sek piliŋmak mamayelen ma piliŋpiŋ mamayelen keyaŋ nâmkînpemak mamayet yaŋaŋ penaŋ ku bein. Kawawaŋgalen zet gawepupu keyaŋ penaŋaŋ penaŋ bein. ²⁰Keyepmti an ŋenaŋ mama mimi ke ma ke tati nâmkînpemak beye beme mama mimi keyegak mti mambe. ²¹Geŋ mulup an tosaŋpiŋ mulup mimi mamti nâmkînpemak bewanan beme mama keyet nâmtemtem mimipiŋ. Yangut geŋ mama ke katikpepeyelen setnaŋ sokbembgaween katipewanik. ²²An ŋenaŋ mulup an tosaŋepiŋ manepeme Amobotnaŋaŋ kumtetiye beme egaŋ Amobotnaŋgalen an opepeŋepiŋ beye. Enenogat Amobotnaŋaŋ yomaŋ katikpemmâge. Sepem kegogagak an ŋen opepeŋepiŋ mame Amobotnaŋaŋ kumtetiye beme egaŋ Kilaisiyelen mulup an tegaŋ opepeŋaŋnok beye. ²³Kawawaŋaŋ in ilak tosa temaŋaŋ kwitimindage keyepmti amgalen nânâyet kandaŋaŋ wak bemti ku mambeŋ in Kawawaŋaŋ mâti zet kapi etaŋ nâwep. ²⁴Kilaismagen notnne, an ŋenaŋ mamaŋaŋ zigok tapmmamti nâmkînpaye egaŋ mama mimi keyegak tapmmamti Kawawaŋaŋ nâmkînpemti mambe.

Am awembiŋ bemti mama ma awembiŋ ku bemti mama keyaŋ zetnepiŋ

²⁵Âpme pi am awembiŋ bembepiŋ maip ekŋengat yaŋkwesisi bewien keyet dopmaŋ gilik zesowap. Awembiŋ bembepiŋ maip ekŋengat Amobotnaŋaŋ zet windenaŋbeŋ zeye ŋen ku mtalap. Yangut Amobotnaŋaŋ kemberŋ mnayeyepmti neŋ zet penaŋ zeyap ke in ŋep mimiyeŋ. ²⁶Kan pigogat nukŋaŋ igagen penaŋ tasokbein keyepmti an ŋenaŋ imbi wawatpiŋ mamayelen zeme neŋ nâma dolakŋaŋ penaŋ bewe. ²⁷Ma imbindimak manik beme imbi ke aseksesâgât ku nâwanik. Ma geŋ gitak belak manik beme imbi wasâgât ku zewanik. ²⁸Yangut imbi wasât mbanik beme ke wapmane yom ku bewe ma imbi ŋenaŋ an wapme keyaŋ yom ku bewe. Kegok ŋewangut kan pigogat nukŋaŋ igagen penaŋ tasokbein keyepmti kegok ku mti mamayelen nâmti kegok zeyap.

²⁹Kilaismagen notnne, zet pi zema nâit. Kan delaŋ zenze ilak bududuk bugan beingapmti an imbiŋaŋmagaŋ Amobotnaŋgat mulup omba penaŋ mamambe yangut nâme imbi ku wage nemboŋ bewe. ³⁰Ma si zemsu zemsu mamip ekŋenaŋ si kemberŋin ŋeŋinan bemti Kawawaŋgalen mulupgat omba penaŋ ku manâip ma am oloŋen palen maip ekŋen oloŋeŋin ŋeŋinan bemti Kawawaŋgalen mulupgat omba penaŋ ku manâip. Ma am milawat makwitip ekŋenaŋ milawat keyet nâme tatat katikŋaŋ tabe nâmti keŋin temaŋ keyet ku bewep. ³¹Ma am aem kwaem mulup mamip ekŋenaŋ mânep mulupgat etaŋ nâme mobotnaŋ penaŋ

beme ku mambep. Enenogat msat ma kululun kapi ilak sakwep delan zesâpm.

³²Mneti in kwitnaŋ kwitnaŋ belaknaŋ keboŋ timti mamti ŋoktikŋin temaŋ keyet bemti nâmtemtem palen mambepmagen zemti keyet zemâtâtindayap. Imbi wawatpiŋ ekŋenaŋ Amobotnaŋgalen mulupgat yayaŋin omba penaŋ tatindain eneyet ekŋenmagen opepeŋaŋ ŋen ku tazin. Egaŋ Amobotnaŋaŋ mama mimi nâmtikŋaŋ min ke mâti mam. ³³Yangut animbimagaŋ sekgalen bandim keyet nâmtemtem mamin. Mti imbiŋaŋaŋ nâmpeme dolakŋaŋ bembeyelen mulupmaŋ mamm. ³⁴Kogok mti ŋoktikŋaŋ sambe makalarzin. Âpme imbi apmepiŋ ma imbi nembip ekŋenaŋ keŋin ma sekŋin Amobotnaŋgat zapaŋ sasât manâip mti Kawawaŋgalen mulupgat yayaŋ omba penaŋ mamip enenogat ekŋenmagen opepeŋin ŋen ku tazin. Mme naman imbi awinmak ekŋenaŋ sekgalen bandim keyet nâmtemtem temaŋ mamip. Mti awinaŋ nâme dolakŋaŋ bembeyet mulup mamip. ³⁵Neŋ nukŋaŋ paleŋinan bemti ku zeyap yek. Neŋ zet kapi in indamukulem mimiyeleŋ nâmti diindoyap. Neŋ in kwilekiyaŋ penaŋ ma pembenap ke mimiyeleŋ nâmindayap mti keŋin ma sekŋin melesiŋ ondekme Amobotnaŋmagen mebegalen nâmti zapaŋ kapi diindoyap.

³⁶Yangut imbiŋaŋ an zapaŋnaŋmak awembiŋ sakwep ku bemti damuŋ teepmaŋ tati welut beme ke pembenap yek. Egeleŋ kekok milut beme yom milut. ³⁷Yangut an ŋenaŋ imbi zapaŋnaŋ zempepeŋaŋangut nâme egaŋ iŋŋaŋgat sekŋaŋgalen tikŋaŋ ke ŋep ekdamuŋ mimiyeleŋ winde tasainaŋ imbi zapaŋnaŋ ku wazin beme keyaŋ yom ku bein. ³⁸Keyepm an ŋenaŋ imbi zapaŋnaŋ wazin beme ke ŋep bein ma egaŋ imbi zapaŋnaŋ ku wazin beme keyaŋ naman dolakŋaŋ penaŋ bein.

³⁹Imbi ŋen apmaŋ mambeen egaŋ apmaŋmak tâtâŋjit tapme mamambe. Apmaŋ gakimengut bam an ŋen wasât nâmti egaŋ eknâmâtâti an Kilais nâmkŋipepeŋaŋmak beme wabe. ⁴⁰Imbi egaŋ ewe an ŋen wawapiŋ mambe egatgulak nâma dolakŋaŋ bein. Ke nanaŋgat keŋnaŋgalak zeyap yangut Kawawaŋgalen Emetak Teŋaŋ keŋnan tazin keyaŋ keŋŋ m eleŋ beleŋ beme zeyap.

Songgom nopiomgat sâpe sâpe sasayet nsâti nâmtâtâtati nimbep

8 ¹Âpme pi naman nopiomgat sâpe sâpe masaip keyet pigok zema nâit: Nin nâmkŋipepemagaŋ nânup nin sambe nânân tatndain. Nânâ temaŋaŋ am notnaŋ mme sekŋ mobot mamip yangut nin am gogot mimindenup beme nin mukulem mimindemann ekŋenaŋ Ambotnaŋ weyaŋti dolakŋaŋ mâbâgalen manânup. ²Inmagen an ŋenaŋ nâme iŋŋaŋgat nânâŋaŋ omba bein beme egaŋ, “Neŋ ŋep nâyaŋ,” zet zein keyaŋ mkawaŋ beinen an ke Kawawaŋgalen nânâ penaŋaŋ penaŋ yaŋaŋ ewe ŋep ku nâin. ³An ŋen egaŋ Kawawaŋ gogot mampein beme Kawawaŋaŋ ek ekti zein, “An keyaŋ nânâ penaŋaŋ yaŋaŋ ŋep nâin.”

⁴Keyepmti neŋ zet ŋeŋaŋ nopiomgalen sâpe sâpe meu kukŋaŋgat bemberaŋ niniyelen kapigok zesowap: Nin nânup nopiom ke amnaŋ sâsâŋaŋ mamaŋapiŋ ma ekŋen ke Kawawaŋ penañ yek. Kawawaŋ kwewaŋ penañ mamain ke nin nânup. ⁵Am notnaŋaŋ kawawaŋ notnaŋ penañ kululuŋen ma msalen talip manzeip. Penañ, ekŋenaŋ amobotnaŋ sambe ma kawawaŋ sambe talip manzeip. ⁶Yangut nin nânuwen Kawawaŋ ek ningalen Bipm ek kwewaŋ penañ mamain. Egaŋ kwitnaŋ kwitnaŋ sambe kapi Amobotnaŋ melakwep Zisas Kilais ekmagesetgatnaŋ etaŋ mme sokbemâge ma egaŋ mme nin ikŋaŋ manâmkiŋpemti ekmak mamanup.

⁷Yangut zet penañ kapi am ilindiŋ ku nâmâtâlîp. Am notnaŋ sambeyaŋ nopiomgat nâme mobotnaŋ penañ beyeyepm alak pigogat meu keboŋ ke nim nâme nopiomgalen meu mambein. Ekŋen keboŋ keyet nâmkiŋpepeŋin tuwat tuwat ma ekŋenaŋ keŋinan nâme meu ke niyo beme am yomtoŋ kogok nâyo. ⁸Kawawaŋaŋ tu meuyepm nâmdeme mobotnaŋ ku bewanup. Nopiomgalen tu meu kingabanup keyepm ku nâmbekambem ndewe ma ke nimann ku zemsesewatndewe.

⁹Ma notnaŋ in yaŋaŋ weyaŋ nâmâtâtî manîp in noline nâmkiŋpepeŋin tuwat tuwat tazin ekŋen keŋin myuŋgume yom beweyet eksewep.

¹⁰Âpme geŋ nânândî ke tazinaŋ met nopiomgalen sesewat mkaen moti egat meu bumbemberaŋ ke tatnimane nodi ŋen nâmtemtemŋaŋmagaŋ gikti egaŋ tatningat nimbi kogok zemti nime yom bewe keyet geŋ eksewanik. ¹¹Enenogat nodi kapiyet Kilaisiyaŋ egat mti gakiye ek nâmkiŋpepeŋaŋ tuwat tuwat ke gâlen nânâ keyaŋ mme sukŋaŋ bemti meu ke nimti nâme yom beme walebe. ¹²Set kegoset in noline nâmkiŋpepeŋin tuwat tuwat waletindemti yom miyo. In kekok miyo keyaŋ in Kilais yom msayo bein. ¹³Keyepm notn Kilais manâmkiŋpenaŋ meu nopiomgat sâpe sâpe bemberaŋ ke nima yom besem nâin beme neŋ meu keboŋ ewe ninipiŋ penañ mamambap. Enenogat neŋ ek mma yom ku mimiyeŋen kogok nâmti mbak.

An Zisasiyaŋ egalen zet zemkawaŋ bembeyelen ombemti kumtetitiŋgalen mama

9 ¹Zet zemkwala keyet butnaŋ ŋen ewe kapi zesowap. Neŋ kwitnaŋ kwitnaŋ keyaŋ ku naopemneneŋaŋaŋ. Neŋ belak âlâgâlâk talap. Ma neŋ Amobotnaŋ Zisas penañ ekban. Neŋ Amobotnaŋgalen mulupmaŋ penañ ingat tuŋguwinan mamti mban keyepmti in nâmkiŋpepemak bewien. Keyepm neŋ Zisasiyet buŋam zapaŋaŋ zemkawaŋ bembe an ombemnakumtetitiŋaŋ penañ talap. ²Am notnaŋaŋ nâme mene neŋ Kilaisiyelen buŋam zapaŋ zempalakŋaŋ bembe an ku ombemnemti nakumtetitiŋaŋ ku beyawaŋgut in yaŋŋ penañ sukwep nâmneip. Enenogat neŋ Kilaisiyelen buŋam zapaŋ zempalakŋaŋ bembe an

ombemnemti nakumtetitiŋaŋ mamti zapaŋaŋ diindoma in Amobotnaŋ nâmkĩŋpewien keyaŋ neŋ an kwi keyet yaŋŋ penaŋ msokbeye.

³Âpme yaŋnaŋgat zet kuku mti nâgât Zisasiyelen buŋam zapaŋ zempalakŋaŋ bembé an ombemnemti nakumtetitiŋaŋ ku manzeip ekŋen keyet zet dopmaŋ kapigok gilik zemindayap. ⁴Nin inimagen mulup mamnupgapm in tu meu ndandayelen ŋep wekukuyelen yaŋgut nin ku mawekunup. ⁵Amobotnaŋgat nembanaŋne notnaŋ ma meniŋane ma Sipas ekŋenaŋ imbiŋinemak zet zapaŋ dolakŋaŋ manzemelip. Keyepmti notnaŋ nin sepem kegok mimiyelen nâmbenek beme nin ŋep kogok mbenek. ⁶Kulekiyet neŋmak Banabas nit betndaŋ mulup mti mânep keeset aikti meu kwitim niniyelen mamilup âpme ekŋenaŋ in indapelaŋuŋguyet manzeip? Ke set pembedaŋ yek.

⁷Kasa kuku an ŋenaŋ mulupmanen mamti ikŋaŋgalen mânewaŋ tu meu ma kwitnaŋ kwitnaŋ sambe ke kwititiyelen mulup belakŋaŋ ŋen mti keeset mukulem ku matin. Ma an ŋenaŋ mulup mip keyet penaŋaŋ weme belak peme tatagalen ku maondein yek. Egaŋ meu penaŋaŋ ŋep bep ke akumti manin. Ma bo toŋaŋaŋ ekdamuŋ mme sememe kumti manin. ⁸Pi an zet etaŋ ku zeyap; zet kapi zii zelen keyegak zemkawaŋ bembenaŋ tazin. ⁹Mosesiyelen zii zelen zet ŋen kapigok meluwaŋ mimiŋaŋaŋ tazin, “Bupaloyaŋ mulup mgemti kwaŋ sinaŋ nsât mme ku aŋginaŋ mpewanik.”

(Zii Zet 25:4)

Âpme Kawawaŋaŋ zet ke bupalo ekŋengat etaŋ nâmti ku zeye. ¹⁰Zet ke am ningat penaŋ zenzeŋaŋ. An mulup mimonze onze mamm ma an meu penaŋ maakumbein egelaŋ meu penaŋ ke ilisakwep kalaŋti nimbalut ke nâmti mamilup. ¹¹Âpme nin Kilaisiyet buŋam zapaŋ diindowen kan keyet nin mulup an mulup mimondendeyelen zapaŋ sakam keboŋ mbenn. Nin mulup keboŋ mmann Emetak Teŋaŋ ingat keŋinan topmaŋge keyepmti nin inmagengatnaŋ segalen mukulem mimiyelengat omba penaŋ ndandayelen ku mawekunup. ¹²Mulup an notnaŋaŋ inmagengatnaŋ segalen bandim titiyelen beme nin kegogagak segalen bandim titiyelen bein enenogat nin inimagen mulup yaŋbemti mbenn. Yaŋgut nin inmagengatnaŋ meu milawatgat ku wekuwenn. Mneti Kilaisiyelen zapaŋ pembedaŋ bekekpewanekmagen zemti inimagen titiyelen zenzeŋaŋ ke katikpewan. ¹³Zelusalem mka temangalen sesewat mka temanen an mulup mamip ekŋenaŋ meu sesewat mka temangatnaŋ matinip. Ma an sâpe sâpe sisagen mambuip ekŋenaŋ keyetnaŋ meu butnaŋ niniyet zenzeŋaŋ timti manip. In set ke ŋep penaŋ nâip. ¹⁴Âpme set keeset Amobotnaŋaŋ Kawawaŋgalen Zet Zapaŋ Dolakŋaŋ Penaŋ zenze an nin zet zapaŋ dolakŋaŋ zemepman am ekŋen keyaŋ tu meu aikndame niniyet nâmti zet ke diindoye.

¹⁵Neŋ set ke ku mamâlap. Mti in sakam keyet kataŋ mnanayelen otâmti meluwaŋ ku miyap yek. Nen betnaŋŋ mulupmaŋ mti

maaikniyap keyet nâma mobotnaŋ mambein. Enenogat ingat tu meuyet indawekumindandayet nâma sakambukŋaŋmak penaŋ mambein.

¹⁶Kawawaŋgalen Zet Zapat Dolakŋaŋ Penaŋ zempalakŋaŋ bembeyelen mulup ke zemkatikbemti ilak nâgât belen bempepenaŋ yaŋgut neŋ am buŋam zapat dolakŋaŋ diindondopiŋ mma wakai Kawawaŋaŋ sindem omba penaŋ nawe keyepm buŋam zapat manzempalakŋaŋ beyap keyet sek mmobot zet zema dolakŋaŋ penaŋ ku besem. ¹⁷Mulup ke nanangat keŋnaŋgalak sokbemti mbak ze maneti tosaŋaŋ tiwak. Yaŋgut nanangat keŋnaŋgalak mulup kapi ku tiwangapm pigok ŋep zewi, Kilaisiyaŋ Kawawaŋgalen Zet Zapat Dolakŋaŋ Penaŋ zenzeyelen zenengeyepm manzeyap.

¹⁸Kawawaŋgalen mulup mamipgat tosaŋin kapiwok: neŋ Kawawaŋgalen Zet Zapat Dolakŋaŋ Penangalen mulup mmeti am mulup keyet tosaŋangat ku wekuwap. Kawawaŋgalen Zet Zapat Dolakŋaŋ Penaŋ manzeap keyet tosaŋaŋ ŋep titiyelenangut keyet ku mawekuyap. Keŋ oloŋen nâyaŋ keyaŋ tosannok bein keyet nâma pembenan bein. ¹⁹Neŋ zet keboŋ keyaŋ ku naopemneme talap keyangut neŋ am sambeyet kilambaŋinan gwidikti ekŋengalen sisiliŋ an beyap. Enenogat neŋ keeset am sambe indatetima Kilais ŋep nâmkŋipepeyelen nâmti mamiyap ²⁰Keyet yaŋaŋ neŋ Zuda am ekŋenmak mamti Zuda am ekŋengalen mama mimi timti ekŋenaŋ Kilais nâmkŋipepeyelen mulupmaŋ mban. Zii zet keyet sisiliŋ mulup mamip ekŋenmak tusumti ekŋengalen mama mimi keyet meti zii zetgat sisiliŋ mulupnok mban. Mosesiyelen zii zet itnaŋaŋ nâgât damuŋ ku mam keyangut am keyet sisiliŋ mulup mamip ekŋenaŋ Kilais nâmkŋipepeyelen kegok mamiyap. ²¹Neŋ Kawawaŋgalen Zet Zapat Dolakŋaŋ Penaŋ am Zuda maŋgeen ku sokbembeŋaŋ ekŋen zemkawaŋ bembeyelen ekŋenmak mamti ekŋengalen mama mimi ke timti sepem ekŋen nembon Zuda amgalen zii zepiŋ mamayap. Âpme kogok mama ekŋenaŋ Kilais nâmkŋipepeyelen mamiyap. Kapiyaŋ neŋ zii zet maŋgosoyap kogok ku bein enenogat Kilaisiyaŋ neŋ mama mamayelen mandinoinok mayap. ²²Âpme Kawawaŋgalen Zet Zapat Dolakŋaŋ Penanen Kilaisiyet yaŋaŋ mandiindoyawen am nâmkŋipepeŋin tuwat tuwat ekŋenaŋ kwilekiki nâme bekanan am nâmkŋipepemagan ku mimiyele bein ke neŋ belak mapeyap. Kogok mti neŋ mukulem mimindema weyaŋ nâmatâlip ma set kegok set neŋ am sambe yaŋaŋ yaŋaŋ maipnok ma mama ekŋenaŋ Zisas Kilaisiyet nâmkŋipewep. ²³Keyepm neŋ set ekŋen sambe ke mma am sambe msat kataŋ ekŋenaŋ Kawawaŋgalen Zet Zapat Dolakŋaŋ Penaŋ nâmti neŋ ma in sambeyan kwitnaŋ kwitnaŋ pembenan sambe Kawawaŋaŋ am Kilaisiyelen buŋam zapatnaŋ manâmkŋipeip ningat zetik mimndaye ke titiyelen mamiyap. ²⁴Âpme in pigok nâit, kanzowak mimi mundumen am sambe ekŋenaŋ ilinsakwep yaŋbemti winde mambeip. Yaŋgut an ŋenaŋ winde bemti

ņeņaj pilinjen ke kwati milawat ke matin. Âpme in kegogak kululungalen milawat tazin ke tisât nâwep beme in winde bewewen an űeņaj bemti makwazin kegok winde bewep. ²⁵Am ekņeņaj msalen kanzowak msâti sesep mulup tagoņgogepiņ mti kwitnaņ kwitnaņ notnaņ ekseseņajmak mti mamaip. Ekņeņaj msalengalen milawat sakwep waleletgalen keyet kegok mamip. Nin mama kanzizitgalen milawat kululuņen kanzizit matazin keyet kegok mbanup. ²⁶Nenn kegogak piliņ bembenaņ ke ektati keyet esemteņ mawindem beyap. Neņ nasamek belak tuņgupman kileņ kuma elepema mezin weyaņti teņ maeleyap. ²⁷Neņ am Kawawaņgalen Zet Zapat Dolakņaj Penaņ manzemkawaņ bemindanetingut nenn zet ke ku mâti mbap beme walelet aikbap keyepm sekņnaņgalen tikņaj igak igak ke mtotpemti nen damuņ mma etaņ mamain.

Israel myuņgunguņinaset ningat golaņj titiņaj

10 ¹Kilaismagen notnne, neņ eweņan űeņsokņne ekņeņaj Moses mâti mama mimi mkwabien keyet zapatnaņ mimindama nât. Ekņen ilindiņ zanzayaņ indautukekme meti nembu diliņ zem metat kotat mme Kawawaņaj atamtapme tuņgupmaset walelepiņ nembelen mepataņ zewien. ²Âpme ekņen am maņge kwep Mosesiyaņ űeņaj bemindeme ekmak zanza mâbien ma nembu diliņ zemti metakotat mti katime tuņgupmaset mebien. ³Âpme ekņeņaj ilinsakwep tambu kataņ Kawawaņgalen Emetak Teņaņ mme kululuņengatnaņ meu sepemaņ kwep matotan ke nimbien. ⁴Ma ekņeņaj Kawawaņgalen Emetak Teņaņ nanzaņ kapilaņ sepemaņ igagen keyetnaņ tu mme kwapme ekņen ilindiņ nimbien. Nanzaņ kapilaņ ke Kilais iķaņ nembon. Egaņ deset ma deset mebien ke ekņengat windeņinangat yaņaņ űotekņaņ penaņ tapme mamamtemien. ⁵Kawawaņaj kwitnaņ kwitnaņ sambe weyaņindeyeyangut sambeyaņ Kawawaņaj nâņge kogok ku mambiengapm egaņ zemindeme msat zetik mimindendeņaņ ku mebegalen zemti notnaņ indeme msat tuņgupman amnaņ ku maiwen gakiwien.

⁶Ekņeņaj mama mimi bekanaj msâgât keņin temaņ wemindaye keyepm ekņenmagen kwitnaņ kwitnaņ sokbeye. Keyaņ ningat golaņ tin mneti nin kegogagak mbenekmagengat. ⁷Kawawaņgalen zet Itnaņaņ papiaen meluwaņ pigok mimiņaņaņ tazin,

“Am ekņeņaj nopiomgat kandaņa totati tu meu nimwiaņti silik kumti wendiwien.”

(Kisim Bek 32:6; Makuku 25:1-3)

Ekņenmagen notnaņaņ nopiom sesewatpewien. Nin sepem kegogak ku mbanup. ⁸Ekņenmagen notnaņaņ kegok mme kasup kwep keyet Kawawaņaj am sambe penaņ (23 tausen) indawalege keyepm nin set kileņ ekņeņaj mambienok ku mambanup. ⁹Ekņeņaj Kawawaņ m ekmeyepm Kawawaņaj nombe zemindeme koti indime gakiwien.

Kegogapm nin Amobotnanggat m ek m ek mimiyele yom omba penan ku mmobanup. Penan, egañ dopmañ ekñen gilik zemindayenok ndawe. ¹⁰Âpme in Kawawangat kwileki ñen ku tatndain zemti kwelat zet ku dunduwep. Ekñenmagen notnañan kegok mme ensel am indome gakikiyelenan koti indome gakimâbien.

¹¹Âpme msat kululuñ asesekhalen kanañ bududuk tabeme manupgapmti ekñenmagen kwitnañ kwitnañ sokbeye ke ningat golañnok bein. Nin ekñenañ mama mimi mgasik mbien kegok ke ku mne. ¹²Âpme an ñenañ nâme egañ Amobotnanggat nâmkijpepeñañ tazingapm tetimaen katikñañ benak nâin egañ weyañeksewe. Enenogat ek ñep tetimaeme am itnañan ekñenañ yom mbienok mnak. ¹³Inmagen tetimaema masokbein sepem kegogagak am sambe masokbemindain. Âpme Kawawañan zemkatik bembenañ mamâzin keyepm egañ peme tetimaemaeyañ ingalen windeñin angosomti ku masokbein. Yañgut tetimaemaeyañ inmagen masokbein beme Kawawañan indamukulem mimiyele setnañ ñep weyañme in katik bem tapme tetimaema keyañ ñep ku mamtoindein.

¹⁴Keyepmti Kilaismagen notnne penan, in nopiom masesewatindep ke bamkumpemti kunzuñit. ¹⁵In zet opeem nânâyelen nânâñin tazin keyepmti zet kapi zema ilin opeemti nâseip. ¹⁶Okowen wain mannup kan keyet nin Kilaisiyet sipmañ ningalen yomgat mti mulage ke otnâmti nin keyet Kawawangat wisikñ manzenup. Âpme nin wain mannuwen kan keyet nin am sambe Kilaisiyañ ekñengat yominangapm sipmañ mulage ekñengat bulinan tusunup kegok masokbein. Âpme nin nupmamañ mutumti mannuwen kan keyet nin Kilaisiyañ gakimti sekñañ ningalen yomgat dopmañ ndaye kan keyet maotnânup. Nin kogok mti am sambe Kilaisiyañ ekñengapmti sekñañ talasiye ekñen keyet bulinan tusunup kegok masokbein. ¹⁷Keyepmti nupmamañ kwepnok âpme nin sambenañ nupmamañ ikañ kwep ke mannup. Âpme nin nupmamañ nsakwep mannuwen keyañ nin butnañ sambenok keyañ ondekti sek kwepnok benup kegok masokbein.

¹⁸Âpme ñen pigok zema nâit, Zuda am sambe kwi ñenañ sâpe sâpe meu sisak dukñañ bumbunañ manip ekñenañ ilinsakwep sisak keyelen Kawawañ masesewatsaip. ¹⁹Neñ zet notnañ zemkwala keyet in nâmkilen bemti nâgât egañ nopiomgat sâpe sâpe meu sasañan keyet nâme sâpe sâpe penan bein ma nopiomgat nâme Kawawañ penan bein. Kegok ke yek. ²⁰Yañgut neñ neman guluk gilik tazeyap ke am Kilaisiyet ku manâmkijpeip ekñenañ nopiomgat sâpe sâpe mambumsaip ke wa Kawawangat yek. We bekanan masesewatpeip bein. Kok keyepm neñ in we bekananmak tususuyelen ku nembeingapmti ekñen eksemindendepeñ. ²¹In Amobotnangalen okowen wain nti naman dembusek kwep keyañak we bekanangalen windeyet tazemopenik keyañ pembenan yek. Ma in

nupmaman Amobotnanaŋ iŋnaŋgat seknaŋ otnâmti niniyelen ningat ndaye ke nti naman dembusek kwep keyaŋak we bekanangat songom sasanaŋ ke ɲep ku niniyelen. ²²Nin kogok mmann Amobotnanaŋ ningat keŋ kuku mti ɲenzinziŋ penan mbe. Nin nâmann nin windenmak beinaŋgut egalen musuwewet ke nin ɲep ku sebmepɛyelen penan.

Ilinangat etaŋ otnânâ keyaŋ pmbenaŋ yek

²³Am notnaŋ, “Kwitnaŋ kwitnaŋ sambe kapi ɲep mimiyeleŋ,” kegok tazeip yaŋgut kwitnaŋ kwitnaŋ ke mma ɲep ku napmukulem mbe. Kwitnaŋ kwitnaŋ sambe tapmezin keyaŋ nâmkɲepepen katiknaŋ bemti mamayelen setnaŋ ku kabemndawe. ²⁴Am nâmkɲepemak ɲenaŋ kwitnaŋ kwitnaŋ iŋnaŋ mukulem mimiyeleŋ etaŋ ku mbe egaŋ naman am notnaŋ indamukulem mimiyeleŋ keeset mbe.

²⁵In songom kwitisât omkwiti kwitim mundumanen meti songom ke nopiom sâpe sâpe sasanaŋ keyet yaŋkwesisipiŋ ɲep kwitiwep. ²⁶Enenogat Kawawaŋgalen Zet Itnaŋaŋ kapigok zenzeŋaŋ,

“Msat ma kwitnaŋ kwitnaŋ sambe msat palen tazin ke

Amobotnaŋgalen etaŋ.”

(Sam 24:1)

²⁷Am Kilais ku nâmkɲepin ɲenaŋ tu meu weyaŋbemti indazemtetime keŋinan mobogalen indembeme ɲepgat ekɲengalen mkaen mowebep. Mowepme ekɲenaŋ tu meu indame nâmtemtem mti nopiomgat sâpe sâpe bumbu mundumaŋgatnaŋ kwitiyo zemti ku indayaŋkwesiwep. Belak nimbep. ²⁸Yaŋgut in nsâgât tapmme an ɲenaŋ pigok diindowe, “Songo kapi nopiomgalen sesewat mkaengaŋnaŋ.” Zeme nâmti in ke ku nimbep. An zet zemkawaŋ bemindawe egat otnâmti meu ke ku nimbep mneti ɲoktikɲinaŋ nâmnuknaŋ mbepgat. ²⁹Wa in nâme bekanan beingapm ku nimbep kogok ku zeyap yek. An ɲen keyaŋ nâme bekanan bein egat mti ku nimbep. Yaŋgut an ɲenaŋ kapigok mene zein, “Neŋ kwitnaŋ kwitnaŋ keŋnan nâma ɲep mimiyeleŋ bein beme an ɲenaŋ nâme bekanan bein beme keyepm egaŋ neŋ ɲep ku zemkulumneneyelen. ³⁰Neŋ Kawawaŋgat wisikɲ zemti niyap beme an belaknaŋ ɲenaŋ, ‘Geŋ an bekanan,’ ke ɲep ku zenak. Enenogat neŋ kwitnaŋ kwitnaŋ sambe msat palen tazin ke Kawawaŋgalen etaŋ nâypaŋ.”

³¹Notnaŋ kogok zewien mene mme neŋ kapigok zesowap, in tu meu nimbep ma kwitnaŋ kwitnaŋ sambe mbep ke in mme Kawawaŋgat kwitnaŋ m onzempepeyet nâmti mbep. ³²In kwileki ɲen mme Zuda am ma am Zuda maŋgeen ku sokbembeŋaŋ ma Kilaisiyelen am nâmkɲepɛpɛɲinmak ɲen setnaŋ bekekme Kawawaŋ zetnaŋ ku mâbeyet eksewep. ³³In neŋ mamiyapnok mamambep. Neŋ kwitnaŋ kwitnaŋ sambe mamiyap ke mma amnaŋ oloŋen mimiyeleŋ nâmti mamiyap. Nanaŋgat pmbenaŋnaŋgat etaŋ ku mamiyap. Neŋ kegogak am sambeyet pmbenaŋinaŋgat nâmti mma am sambe Kilaisiyaŋ angalaŋindendeyet nâmti mamiyap.

11 ¹Neŋ Kilaisiyelen set kaisasat ekti mâti mayap. Âpme in kegogak nâlen set kaisasat ke ekti namât mambep.

Silik dundundu mimiyelele zemâtâtât

²In Zuda am ekŋengalen mama mimi mâti mamayet neŋ zemâtâban keyet kataŋ mamaip keyepmti ingat nâma dolakŋaŋ penaŋ beme oloŋen miyap.

³Âpme pi naman Zuda am ekŋengalen mama mimi ŋengat zet kapigok zema nâit. Angat yaŋaŋ Kilaismagengatnaŋ kozin. Âpme imbi kogogak egat yaŋaŋ anmagengatnaŋ kozin. Âpme Kilaisiyet yaŋaŋ Kawawaŋmagengatnaŋ kozin. ⁴An ŋenaŋ bunduŋ ŋokŋanen munduŋ tati dapmelaŋge tuŋguwinan dunduwe ma Kawawaŋgalen zet zapat dolakŋaŋ zewe beme egaŋ Kilais sakambuk sawe. ⁵Ma imbi ŋenaŋ saŋgum ŋokŋan ambululupiŋ tati dunduwe ma Kawawaŋgalen zet zapat dolakŋaŋ dapmelaŋge tuŋguwinan zemkawaŋ bewe beme egaŋ apmaŋ sakambuk sawe.^b Kogok min beme egaŋ imbi ŋokŋaŋ pilik pilik kwanzetpepeŋan nembon bein.^c ⁶Keyepmti imbi ŋen sâk ambululupiŋ mame ŋok sinaŋ antim pewep. Ma egaŋ keyet sakam mti ŋok sinaŋ antitipiŋ mbe beme ek sâgaŋ ŋokŋaŋ ambulut be. ⁷An in ŋokŋin ondedagen sumumuŋpiŋ enenogat inimagesetgatnaŋ ŋep Kawawaŋgat sakamaŋ ma kwitnaŋ mamsokbein. Ma imbi inimagesetgatnaŋ ŋep angat kwitnaŋ mamsokbein. ⁸Neŋ kegok zeyap enenogat Kawawaŋaŋ an kukŋaŋgat mti anmagengatnaŋ imbi mge. Imbimagengatnaŋ an ku mge. ⁹Kawawaŋaŋ an imbiyepmti ku mimiŋaŋ. Egaŋ imbi angapmti mimiŋaŋ. ¹⁰Keyepmti imbi apmaŋgat eksempeinaŋ ondedagen saŋguman ŋokŋaŋ ambuluti mamezin enenogat ensel ekŋenaŋ taekgip. ¹¹Yangut am Kilais nâmkŋipemti maiwaŋ imbiyaŋ apmaŋgat mukulemaŋ bein ma anaŋ kogogak imbiŋaŋgat mukulemaŋ bein. ¹²Kawawaŋaŋ imbi kukŋaŋgat anmagengatnaŋ mge keyepmti naman alak imbiyaŋ an mammsokbeip. Kogok keyaŋgut eget ma kwitnaŋ kwitnaŋ sambe Kawawaŋmagengatnaŋak sokbewien.

¹³In nâmkŋipepeŋinmak, ilinak weyaŋ nâmâtâlît. Inmagengatnaŋ imbiyaŋ dapmelaŋge tuŋguwinanen Kawawaŋgat dundusât nâwe beme egaŋ ŋokŋaŋ sâk ambululupiŋ mbe beme keyaŋ pembenay yek. Imbi in ŋokŋin ambulubep. ¹⁴Kogok keyepm in kapi ekme penaŋ bein enenogat kwitnaŋ kwitnaŋ setnaŋ talip in nâip. Ŋen pigok egip an ŋenaŋ ŋokŋaŋ sinaŋ teepmaŋ peme tozin beme ke sakam bukŋaŋmak. ¹⁵Yangut imbi ŋenaŋ ŋoksinaŋ peme teepmaŋ tozin beme nin nâmann keyaŋ mme sepemaŋ dolakŋaŋ bein. Enenogat ke Kawawaŋaŋ iŋaŋ imbiyaŋ

^b 11:5 Ke Zuda am ekŋengalen set kegok matazin. ^c 11:5 Imbi set kileŋ inda aikti ŋokŋin makwanzetindeip ke Zuda am ekŋengalen set kegok matazin.

ņoksiņin teepmaņ kogok toti kwatan tapme mamayet nâmti beye. ¹⁶ Am ņenaņ zet kapiyet nâme ņep ku beme mdândâsât setnaņ zulutbe beme kapigok nâmbe. Set kapi Kawawaņgalen dāpmeļange sambe nin mâtī mamnup.

Amobotnaņāņ tu meu ndandaņāņ

¹⁷Āpme neņ tambuļalem zigok niniyelen ke zemzikat indasowap. Neņ in set mamip keyet zemsešewatindendeyelen yek. Enenogat set in alak kapi tapmip kapiyaņ indamukulem mme Amobotnaņ Kilais nâmkatik bempemti zetnaņ gawepumti yek. Keyaņ naman mme in Amobotnaņ nâmkatik bemti zetnaņ gawepupuyelen mme naman bakņaņ betobep. ¹⁸Kukņaņgat neņ pigok zesowap. Neņ zet pigok nâwan in tambuļalemgat ke ondaktiņgut tunguwinangatnaņ am notnaņāņ zet mopmtot mti kalalaņ mawen. Am notnaņ zapat kegok mnawien ke naman nâma bugan penaņ penaņnok beye. ¹⁹Yangut inmagengatnaņ maņge denenaņ set pembenaset kwitnaņ kwitnaņ tapmip ke ņep ekmâtâtâtgalen ke kapigok, ekņaņaņ maņge temaņ katikindemti kalaņti sokbemkawaņ bembeyelen mamip. ²⁰In ondekti tambuļalem nsât koti tu meu bumti koti nolineneyet zikat gatnan mti tatniņ. Kegok ke in tapmip. ²¹In sambeyaņ meuņin timkoti nolineyet damuņ tatapiņ sakwep maniņ. ņenaņ igak kambak balaņ mmepme ņenaņ meuyet mamimti meliņ ma notnaņāņ wain omba penaņ nimti keņ kileņ mamip. ²²In tu meu etaņ nsât nâmti ilinaņgat mkaņinan manimambep enenogat in Kawawaņgalen dāpmeļange ondegīwen in ku maeksemindeip ma am bekopsat ekņaņ sakambuk maindaip. Neņ keyepmti ingat zigok zenzeyelen ke ku nâmâtâlap. Keyepmti neņ keyet oloņeņ ņep ku mimiyeļen.

²³Neņ zet kapigok Amobotnaņmagen tiwanen ke in zemâtâtindama delaņ zeye. Tambuyet Amobotnaņ Zisas Zudasiyaņ Zuda am ekņaņgalen an ņeņaņ ekņaņmagen zemkuye kan keyet Amobotnaņāņ nupmamaņ mti ²⁴keyet Kawawaņgat wisikņ zemutumti zeye, “Nupmamaņ kapi nanaņgat sekņnok ingat yomin katikpepeyelen indawap. Nimbep kataņ nâgât otnâpeņ mamambep.” ²⁵Meu nime delaņ zeme wain okop sakam kegogak mtati pigok zeye, “Wain kapi nanaņgat sipmnok. Tâtâ Alakņaņ sipmnaņ miap. Nimbep kataņ nâgât otnâpeņ mamambep.” ²⁶Kok keyepm in nupmamaņ ma wain kapi manimambep kataņ Amobotnaņgat gakikiņaņgat zapaņnaņ zemkawaņ bepeņ manepeme ikņaņ kobe.

²⁷Keyepmti an ņenaņ set pembenāņ ku mâtī nupmamaņ ma wain nti keeset egaņ Amobotnaņgalen sip sesumbaņaņ ku eksempepgapmti yom mip. ²⁸Keyepmti am ņen nupmamaņ ma wain nsâpmti ikņaņgat keņaņgat yaņaņ nâmâtâti nimbe. ²⁹ņen egaņ Amobotnaņgat sekņaņ keyet yaņaņ ku nâmâtâti nupmamaņ ma wain nimbe beme Amobotnaņāņ zemkuwe. ³⁰In notnaņ set pembenāņ ku mâtī Amobotnaņgalen tu meu maniņgapmti

zawat suksuk ma sek sindem matip ma notnaŋ gakiwien. ³¹Yangut nnaŋgat yaŋŋ ekmâtâti nimbanup beme Amobotnaŋaŋ ku zemndowe. ³²Yangut Amobotnaŋaŋ yaŋŋ msokbemti manndamusuwezin kogok mme egaŋ am Kilais ku nâmkîŋpeip ekŋen nsakwep ku zemdelan zemndowe.

³³Keyepmti Kilaismagen notnne, in nupmamaŋ ma wain nsâti am sambe ilinsakwep ondekme delan zemengut yaŋbemti manimbep.

³⁴Ŋenaŋ meunaŋgat penaŋ mbe beme egaŋ meunaŋ mkaŋan nimtingut bam kobe. Mneti ondedak ke myungunepeme Kawawaŋaŋ zemkuwe.

Zet notnaŋ notnaŋ ke nen kotingut zemâtâtindawap.

Emetak Teŋaŋ taolet yaŋaŋ yaŋaŋ mulupmaŋgat manndain

12 ¹Kilaismagen notnne, neŋ Emetak Teŋaŋ mulupmaŋ am nâmkîŋpepeŋinmak ekŋengat mamaŋinan zigok mamm yaŋkwesisi keyelen dopmaŋ gilik zesowap. Neŋ in kapi weyaŋti nâmâtâtâgalen nâyaŋ. ²Ilin nâmtalip in itnaŋaŋ tambusosop keŋan mambienen nopiom yaŋaŋ yaŋaŋ mamaŋinpiŋ pedondom indamti masesewatindemtemien. ³Keyepm neŋ nembetnaŋ pigok diindosowap: An ŋen ek Kawawaŋgalen Emetak Teŋaŋ keŋaŋ m eleŋ beleŋ beme egaŋ pigok ku zenak, “Zisas geŋ zemtalat geyap.” Ma ŋen Emetak Teŋaŋ keŋaŋ ku m eleŋ beleŋ beme egaŋ pigok ku zenak, “Zisas ek Amobotnaŋ.”

⁴Emetak Teŋaŋ taolet yaŋaŋ yaŋaŋ am nâmkîŋpepeŋinmak sambe ke mulupmaŋgat winde indame mamip. Yangut Emetak Teŋ ikŋaŋ kwep keyaŋak am nâmkîŋpepeŋinmak taolet sambe ke maindain.

⁵Amobotnaŋgalen mulup kwep kwep am nâmkîŋpepeŋinmak sambeyaŋ mimiyelen maindain. Yangut Amobotnaŋ ikŋaŋ kwep keyaŋak ikŋaŋgalen am sambe mukulem mimiyelen mulup ke maindain. ⁶Ma Kawawaŋaŋ mulup mimiyelen am nâmkîŋpepeŋinmak kwep kwep winde sepem igak igak maindain. Yangut Kawawaŋ ikŋaŋ kwep keyaŋak ikŋaŋgalen am sambe mulup mimiyet winde maindain.

⁷Emetak Teŋaŋ am nâmkîŋpepeŋinmak taolet sakam ikŋak ikŋak maindainen keyaŋ msokbeinen Emetak Teŋaŋ am ŋeniyet tunguwinan mulupmaŋ penaŋ tapm. Kogok mimindainen am sambeyaŋ mukulem titiyet nâmti mamm. ⁸Emetak Teŋaŋ nânâ dolakŋaŋ nânâyelen taolet same egaŋ am Kawawaŋaŋ mama mamayelen nâmtikŋaŋ mam ke manzemkawaŋ bemindain. Emetak Teŋ ikŋaŋ kwep keyaŋak am nâmkîŋpepeŋinmak taolet sambe ke maindain. ⁹Ŋen Emetak Teŋ ikŋaŋ kwep keyaŋak taolet mpeme Kilaismagen nâmkîŋpepeŋaŋ kaliŋaŋ penaŋ tatagalen masain. Ma ŋen ek Emetak Teŋ ikŋaŋ kwep keyaŋak am zawat mme alik bembeyelen taolet masain. ¹⁰Ma ŋen Emetak Teŋ ikŋaŋ menok notnaŋ mimiyet taolet masain. Ma ŋen ek Emetak Teŋaŋ buŋam zapat same timti dapmelange ondedageŋinan mandiindon. Ma ŋen ek taolet mpeme winde ke Kawawaŋmagangatnaŋ makozin

ma we bekananmagengatnan ke maekmâtâzin. Ma nen taolet zet mamanananget zemkawan bembeyet masain ma nen ek taolet zet mamanananget zeme nâmti am zelinaset gilik zemindandayet masain. ¹¹ Emetak Ten iknan kwep keyanak taolet sambe kapi mulup sambeyet winde am kwep kwep maindain. Mti Emetak Ten iknangat kejangatnan am nâmkijpepenmak sambe taolet sepem ikjak ikjak makalan kumti indain.

**Sekj butnan butnan eknen muluwin ikjak
ikjak yangut sek ek kwewetan**

¹² Am nin sekj kwewetan yangut sekj butnan butnan eknen sambeyan muluwin ikjak ikjak penan mamiwangut eknen keyan ondekti sek kwegat mulup mamip. Kilaismagen sepem kebonak tazin. Nin am sambeyangut mange kwep benup ma mange ke Kilaisiyelen seknan. ¹³ Notnan nin Zuda am ma notnan Zuda mangeen ku sokbembenan ma notnan sisiliŋ kuku an etan ma notnan lala bubuk etan mamayet Emetak Ten kwep keyan nin sambe sek kwep kegok mamayet temakwep ondekndeye.

¹⁴ Âpme sekj iknan ke butnan kwep etan yek; sambe penan. ¹⁵ Keyepmti setnnan kapigok nep ku zenzeyelen, “Nen bet yek keyepmti nen sekmagen etimti nanak etan mepmamambap,” kegok nep ku zenak. ¹⁶ Ma wagan kapigok nep ku zenzeyelen, “Nen zikat yek keyepmti nen sekmagen etimti nenak etan mepmamambap,” kegok nep ku zenak. ¹⁷ Seknan zikat etan bemâdak ze zigaset zet nânak? Ma wak etan tamâtnak ze zigaset kambe sesik nânak? ¹⁸ Sekj iknan tazin kapigok Kawawanan iknangat kejangalak butnan butnan iknan nange nogak beye. ¹⁹ Sekj butnan sambe sepeman kwewetan ze sekj kapiyet sekj ku zewanek. ²⁰ Sek iknan tazin kapigok butnan sambe yangut sekj penan kwep.

²¹ Âpme zikalan betgat pigok nep ku zenak, “Nen gepin nep mambap.” Ma noknan setn zutgat pigok nep ku zenak, “Nen itpin nep mambap.” ²² Kogogapm sekj butnan notnan nâmindema windenpin mambeip; eknenpin beme seknan dolaknan penan ku tadak. ²³ Nin sekj butnan nâmindemann tototnan mambein eknen indikdamun dolaknan mamnup ma notnan sakambuknanmak maangalanindenup. ²⁴ Sekj butnan notnan sakaman pembenan eknenan sosok matamâlip. Kawawanan sekj mmeti sek butnan notnan tototnan yangut mulup teman indaye. ²⁵ Ke sekj butnan eknenan eepmti kileŋ mekokopin sisiliŋ mulup sakam kwep penan mimiyet nâmti kegok mge. ²⁶ Keyepmti sekj butnan kemak nenan sindem nâme sekj sambe eknen sindem mambein etan. Ma nenan zemsesewatpeme eknen sambe eknenan kemak oloŋen mammâlip.

²⁷ Inmagen kegok bein. In sambeyan temakwep Kilaisiyet seknan beip. Ma in kwep kwewan sek keyet butnan butnan bep. ²⁸ Kawawan

egaŋ amŋene nâmkîŋpepemak manŋe ninmagen am kapigok taolet mimindamti indem mege.

Ŋeŋaŋ an ombemindemti buŋam zapat zemkawaŋ bembeyelen indeye,

keyetnan golaŋ zenze an,

keyetnan am zikat indanda,

keyetnan am menok mimiyelen,

ma am zawat sek sindemak weyaŋindendeyelen,

keyetnan am mukulem mimi

ma am damuŋ

ma zet mamanamaŋ ikŋak ikŋak zenzeyet am indaye.

²⁹Kawawaŋaŋ am sambe ombemindemti buŋam zapat zemkawaŋ bembeyelen an etaŋ taolet ku indaye. Ma am sambe golaŋ zenze an bembeyet taolet ku indaye. Ma am sambe an zikat indandayelen taolet etaŋ ku indaye. Ma am sambe menok yaŋaŋ yaŋaŋ mimiyelen taolet etaŋ ku indaye. ³⁰Ma am sambe zawat sek sindemak weyaŋindendeyelen taolet ku indaye. Ma an zet mamanamaset zenze keyelen taolet etaŋ ku indaye. Ma am zelinaset zemguluk gilik mimiyelen taolet an etaŋ ku indaye.

³¹Yaŋgut neŋ in Emetak Teŋmagengatnaŋ taolet mobotnaŋ ke indandayelen omba penaŋ indembewe. Keyaŋ indamukulem mme mulup dolak dolakŋaŋ dapmelangeyet tunguwinaŋ ŋep mimiyelen. Kegogapm neŋ set pembedaŋ ŋen kapigok zikat indasowap.

Am nâmkîŋpepeŋinmagalen gogot

13 ¹Âpme neŋ taolet ŋen zet mamanamaŋ zenzeyet nanaŋaŋ ma ensel ekŋengalen zet ŋep zeyap yaŋgut am ŋengat gogot ku miap beme neŋ belo ma gwesim nembon kwisakŋ yaŋepiŋ nemba isikŋaŋaŋ kunak kebon. ²Ma neŋ Kawawaŋgalen buŋam zapat timti dapmelange ondedageŋinan diindowak ma neŋ Kawawaŋaŋ kwitnaŋ kwitnaŋ bam mme sokbembeyelen enzilim tazin ke nâwak, ma neŋ am Kawawaŋaŋ mama mamayelen nâmtikŋaŋ mam ke ŋep manzemkawaŋ bemindama delaŋ penak ma nâmkîŋpepe kaliŋaŋ name Kawawaŋ dundum sama winde name kalaŋ zempema piyetnaŋ kainde medak yaŋgut neŋ am ŋengat gogot ku mimindawak beme neŋ belakŋaŋ penaŋ beap. ³Âpme neŋ milawatn kalop bemti am tototnaŋ ekŋen indawak ma sekŋ Kawawaŋgalen Zet Zapat Dolakŋaŋ Penangapm ketalasimindama kumti buwiek yaŋgut am ŋengat gogot ku mbak beme neŋ belakŋaŋ penaŋ beap.

⁴Am keŋinanen gogolaŋ misik tazin ekŋenaŋ sindem indame dopmaŋ ku mutumindaip ma sindem indame keyet peme weme dopmaŋ pembedaŋ mamimindaip, ma eyak ku mamip ma ilinaŋgat mampongaŋin

ku kumti kwilin ku mamwalip. ⁵Ekñenaj am nolineyet sekñeyak ku mamin indaip; ekñengat nâme mobotnaj mambeip. Ma ilinangat etanj nâme ku mamolip ma ñenzinziñ sakwep ku mamip ma myungum indame keyet nâmbekambembe teepmaj ku mamm maip. ⁶Am gogolinmaganj bekananj palakñaj bemepme keyet nâme pembenaj ku mambein yanggut ekñenaj mama mimi dolakñanaj palakñaj bemebeyet nâme pembenaj mambein. ⁷Ekñenaj nukñaj sepem ikñak ikñak ke nâme betetnaj beme mapuip, ma am ñen ekti ekñengat ku manâmbemindeip. Ekñenaj am notnanaj mamin gilik zeme pembenanen kokogat webepej mamaip. Nukñaj sambe sokbemindame ekñenaj katikñaj bemti matalip.

⁸Gogot ke delanj zenzeñepiñ. Âpme Emetak Tenngalen taolet golanj zenze an kapi delanj zenzeñajmak ma Emetak Tenngalen taolet zet maminamaset zenze kapi kegogak delanj zenzeñajmak. Ma Emetak Tenngalen taoletnaj kwitnaj kwitnaj yanjaj nâmatâtât kapi kegogak delanj zenzeñajmak. ⁹Enenogat alak pigogat Kawawangalen mama butnaj etanj nâmti ke dâpmeleñge ondedakñinan buñam zâpat butnaj etanj ke mandiiñdonuwaj ¹⁰bangat Zisasiyaj ikñaj kopmegulak taolet ekñen kapi delanj zeme nin kwitnaj kwitnangat yanjaj nâmatâbanup enenogat Kawawaj ikñajmak tapmann kegok sokbewe.

¹¹Neñ nembâ isikñaj mambanen zet ma mamin ma otnânân nembâ isisigaj mamip keyet katanj otnâmti mammtaman. Yanggut maneti an temaj bewan kan keyet nembâ ekñengalen nânâ ke pema temege. ¹²Alak pigokat Kawawangalen yanjaj isikñaj bugan nâmatâtânpup yanggut bangat Zisasmak sokñan tati zikalaj dopmaj ek dopmaj ek mbanup. Alak kapiyet Kawawangat yanjaj butnaj butnaj etanj maeknâmatâtânpup yanj kan keyet egat yanjaj nâmatâtpmann delanj zewe. Kawawanjaj nâgât yanjaj nâme delanj manzein sepem keboñ neñ egat yanjaj eknâm mman delanj zemâpbe.

¹³Alak pigokat mama mimi kapigok wem ndame tapmanup; Nâmkinpepamak mama ma Zisasiyet kokotnangat webemti mama ma gogot mti mama. Ekñen tuk kegogaj talip, yanggut ekñen kemagengatnaj gogot palen mama keyaj egat zut ke sebemitdemti dolakñaj penaj bein.

Emetak Tenngalen taolet kapiyaj ñenaj penaj bein

14 ¹Kogogapm in am sambe gogot mimindewep. Mti Emetak Tenngangatnaj taolet kapi titiyelen keñinan omba indembewe: Kawawangangatnaj buñam zet timti dâpmeleñge ondedagen diindondo mulup ke nâme mobotnaj bewe. ²Am ñenaj zet maminamaset manzein egaj amgat yek; Kawawangat etanj manzein ma keyaj ek etanj mamukulem mpein. Egaj Emetak Tenaj zet ke zenzeyet keñaj m elenj beleñ mpeme manzein mme am ekñenaj yanjaj

ku manâmâtâlip. ³Keyangut am nenan Kawawangalen buŋam zapat manzemkawaŋ bein egaŋ am zet ke diindome keyaŋ nâmkîŋpepeŋin bandim mamindein ma mamaŋin gwatnaŋ mamin ma keŋin mamkipmaŋ bein. ⁴Zet mamaŋamaset manzein egaŋ ikŋaŋgat keŋaŋ mambutein yaŋgut Kawawangalen buŋam zapat manzein egaŋ am nâmkîŋpepeŋinmak mgwatnaŋ mam indein.

⁵In zet mamaŋamaset zeme neŋ ingat nâma neŋ penaŋ bein, yaŋgut naman Kawawangalen zet zapat zemkawaŋ bembeyelen an beme neŋ keboŋ keyet nâma pembenâŋ penaŋ mambein. Kawawangalen zet zapat manzemkawaŋ bein egaŋ am zet mamaŋamaset manzeip ekŋen bugan silim indem talip. Yaŋgut ekŋenaŋ zet mamaŋamaset zem meti keyet yaŋaŋ am nâmkîŋpepemak zemâtâtindandayelen an neŋ tazin beme dapmelenge ekŋenmagen mukulem neŋ omba penaŋ sokbenak.

⁶Kilaismagen notnne, neŋ inmagen koti zet mamaŋamaset zewak beme nâlen zet mamaŋamaŋ keyaŋ in zigok indamukulem mindenak? Inmagen kopmambak mene ze Kawawaŋmagengatnaŋ nânâ zet katnaŋ mzikat nayeen ke ma Kawawangalen nânâ dolak dolakŋaŋ ma Kawawangalen buŋam zapat zemkawaŋ bemindawak ma Kawawaŋ nâmkîŋpemmayelen zemâtâtât notnaŋ in kot zemzikat indandayelen keboŋ timti kobak. ⁷Gwasim ma gita kulele belak etaŋ kuma kwitnaŋ kuwaŋgut silik ŋandaŋaŋ ku mâti kun beme amnaŋ yaŋaŋ neŋ ku nâmâtâtâgalen. ⁸Ma lumun ondedagat makumbuiwen katnaŋ ku kumbuyo beme kwilekiyet takup ke neŋ ku nâmbek. ⁹Ma in kegogak zet mamaŋamaset belak kwisak etaŋ takume notnaŋ ekŋenaŋ zigoset zet keyet yaŋaŋ nâmâtâbe. E to zeme met penaŋpeŋin mambein. ¹⁰Msat sambe kataŋ zet sepemaŋ ikŋak ikŋak penaŋ wemezin yaŋgut zet zeip ke am mange keyelenaŋ neŋ yaŋaŋ zigogat tazeip ke nâyo. ¹¹Yaŋgut neŋ zet ke ku weyaŋ nâmâtâbap beme zet toŋaŋ egaŋ nâgât nâme kopa penaŋ bewak ma neŋ kegogak egat nâma kopa benak. ¹²Âpme inmagen sakam kegogak tazin. Emetak Tenŋalen taolet inmagen sokbembeyelen manzeip e neŋ, yaŋgut in taolet ke timti am nâmkîŋpepemak indamukulem mimiyet windeŋaŋ mbep.

¹³Keyepm zet mamaŋamaset animbi zet diindosât mbanik beme Amobotnaŋ dundum samane zedi ke gilik zenze winde game timtati zemti gilik zemindawanik. ¹⁴Neŋ zet mamaŋamaset ondedagen dundusât nâmti dunduyap beme nanaŋgat keŋŋ ma sekŋ mme pâpâyelen talayaŋgut yaŋaŋ zigogat miak ke ŋoktikŋnan penaŋ ku alalep. ¹⁵Keyepmti zigok neŋ mimiyelen? Zet mamaŋamaset ondedagen dunduyap beme keyet yaŋaŋ ŋoktikŋnan sokbeme gilik zemindayap. Mme silik neŋ zet mamaŋamaset ondedagen kuyap beme keyet yaŋaŋ ŋoktikŋnan sokbeme gilik zemindayap. ¹⁶Ma geŋ ondedagen keŋdan zet mamaŋamaset Amobotnaŋgat zemseseawatpemane, am ekŋenaŋ gâlen zet

yaŋaŋ ku nâip beme ekŋenaŋ zigoset gamukulem mti keyet, “Ke penaŋ,” zewiek? ¹⁷Geŋ dundundudanen Kawawaŋ zem olim pesât mene mti zet mamanamaset dundunak yaŋgut yaŋaŋ ku gilik zenak keyaŋ nodi ku mukulem mip.

¹⁸Neŋ in bugan seabemindemti zet mamanamaset zet mamanamaŋ omba penaŋ manzeyap keyepmti Kawawaŋgat wisikŋ zemti mandundusayap. ¹⁹Yaŋgut neŋ dapmelaŋge ondedagen zet nâm taliwen Kawawaŋgalen buŋam zapat pemkwepmaŋ zema nâme tululŋ telaŋ bembeyelen zelinan zema nâyo keyaŋ pembenanŋ. Yaŋgut zet mamanamaset zemanen amnaŋ yaŋaŋ ku nâme teepmaŋ zemti mandam mama ke pembenanŋ penaŋ yek.

²⁰Kilaismagen notnne, zet zemkwala keyet yaŋaŋ eknâmâtât mimiyeleŋ ŋoktikŋinaŋ okak ekŋengalen sepem ku bewe. Bekanaŋ mimi ekŋenmagensetgut okak maipnok mambep, yaŋgut kwitnaŋ kwitnaŋ eknâmâtât mimiyeleŋ ŋoktikŋinan an temaŋ ekŋengalen katanŋ bewe.

²¹Zii zelen zet ŋen kapigok kumpepeŋaŋaŋ matazin. Amobotnaŋaŋ zein, “Neŋ am mamanamaŋ ma zelin igak ŋen zemindema ekŋenaŋ koti nenanŋalen am maŋgemagen kobewen nâleŋ ŋenzinziŋgalen piliŋnok keyaŋgut nâleŋ amnaŋ ekŋenaŋ keŋin kaliŋaŋ bewe mme yomengatnaŋ gilik zem kwakwagalen ku nâmbep.”

(Aizaya 28:11-12; Zii Zet 28:49-50)

²²Am zelin mamanamaŋmak kobien ke am Kawawaŋgalen zet ku nâmkŋipewien ekŋengat piliŋnok nâmindeme kokotnaŋ yaŋgut ke nâmkŋipepemak am ekŋengat zapat ku beye. Âpme naman Kawawaŋgalen buŋam zapat zemkawaŋ beme keyaŋ am nâmkŋipepeŋinmak ekŋenmageset pembenanŋ masokbein enenogat keyaŋ keŋin mbutemti mamaŋin mgwatnaŋ mamm.

²³Kogogapmti am nâmkŋipepemak sambeyaŋ ondek tati zet mamanamaset tazeme am nâmkŋipepeŋinpiŋ ekŋenaŋ Emetak Teŋgalen taoletgat yaŋaŋ ku nâiwaŋ kot indikti pigok zewep, “Am kapi keŋin kileŋ tabein.” ²⁴Yaŋgut an Kawawaŋgalen buŋam zapat tazemkawaŋ beme am nâmkŋipepeŋinpiŋ ekŋenaŋ Emetak Teŋgalen taoletgat yaŋaŋ ku nâiwaŋgut koti zet ke nâme keyaŋ mama mimiŋin mgasik ke zikat indame ekti yayaŋ omba mbep. ²⁵Âpme keŋanen kwitnaŋ kwitnaŋ bekananŋ maenzilim tazin ke sokbemkawaŋ beme msalen tot kusum tati Kawawaŋ zemsesewatpemti pigok zewe, “Kawawaŋ inmak penaŋ mamain.”

Silik dundundu msât setnanen mâti mbep

²⁶Keyepm Kilaismagen notnne, in zigok penaŋ mbep? In ondebep kan keyet ŋenaŋ silik yaŋbeme kuwep ma ŋenaŋ Kawawaŋgalen zetgat yaŋaŋ zemzikat indam mbe ma ŋenaŋ Kawawaŋmagengatnaŋ nânâ zet katnaŋ

²⁹Ma Kawawangalen buŋam zapatnaŋ zenzeyelen Emetak Teŋaŋ taolet indandaŋaŋ ekŋenmagengatnaŋ an zut ma tuk etaŋaŋ zewep. Âpme am notnaŋ ekŋenaŋ zet ke yaŋaŋ penaŋ opemnâmbep. ³⁰An ŋen Emetak Teŋaŋ Kawawaŋmagengatnaŋ nânâ zet katnaŋ mzikat same an keyaŋ zesât wabe beme an zet tazein keyaŋ notnaŋ zet zesât wazin ke ekti totabe. ³¹Kawawangalen zet zapatnaŋ zemkawaŋ besâti ŋepgat zewep. Yaŋgut ŋenaŋ zeme nâm ŋenaŋ zeme nâm kegok mme am nâmkinpepeŋinmak ekŋenaŋ nâme keyaŋ keŋin mbuteme keŋin kikipmak mambep. ³²Kawawangalen buŋam zapat zemkawaŋ bembe an ekŋenaŋ zet zigok zigok zesenuŋ e yaŋaŋ ilinagak omkalili mulup mbep. ³³Kawawaŋ ek myuŋguŋgu keyet ŋotekŋaŋ yek. Ek sewaŋaŋ mama keyelen Kawawaŋ.

³⁹Keyepm Kilaismagen notnne, kapigok kwepgut nâseip. In Emetak Tengalen taolet Kawawangalen bunam zapatnaŋ zemkawaŋ bembeyelengut windenaŋ mbep ma taolet ŋen zet mamanamaset zenze ke ku bekekbep. ⁴⁰Yangut in silik dundundunŋin ke weyaŋti ekdamuŋ mti esemten mbep.

15 ¹Kilaismagen notnne, pi ewe Kawawangalen Zet Zapat Dolakņan
Penan timkot diindoma nāmkinpemti timaip ke ewe windenān

berj atam kitik mtalip. ²Kawawangalen Zet Zapat Dolakŋaŋ Penan zemzikat indam mban keyet nâmkĩŋpeme keyaŋ indaangalaŋindeye. Keyet Kawawangalen zet katnaŋ ke weyaŋti atam kitik mti mamambep. Kegok ku mbep beme ingalen nâmkĩŋpepe belakŋaŋ penan bewe.

³Zet ŋotekŋaŋ mobotnaŋ neŋ kukŋaŋgat zemâtâtŋanaŋaŋ keyegak inmagen koti diindowanen kapigok: Kilais ek eweŋaŋ Kawawangalen Zet Itnaŋanen zemâtâtpepeŋaŋ keyet kataŋ ningalen yommgat dopmaŋ gakiye. ⁴Mti Kawawangalen Zet Itnaŋanen zenzeŋaŋ keyet kataŋ kumti met am sumen bewienaŋ kasup tuk etaŋ tati naman gakikiengatnaŋ gilik zemti wage. ⁵Gakikiengatnaŋ wati ŋeŋaŋ Pita sokbemsaye eyetnaŋ nembraŋane sokbemindaye. ⁶Eyetnaŋ zet zapat zenze anene 500 sebempein kegogak sokbemindame ekmâbien. Am ekŋen ke ekbien ke notnaŋ gakiwien ma notnaŋ ekŋen ewe tapmaip. ⁷Eyetnaŋ Zekop sokbemsamti met nembraŋane ekŋen ilindiŋ sokbemindaye. ⁸Bam penan neŋmagen pempetuk sokbemname ekban. Neŋ ekmak ku mamaŋaŋangut kegok sokbemnamti an zet tim palakŋaŋ bembeyet an bekaŋaŋ neŋ nakumtetiye.

⁹Neŋ an Kawawangalen buŋam zapat zempalakŋaŋ bembeyet ombemindemti indakumtetiye ekŋen kemagengatnaŋ neŋ toweweŋaŋ penan. Tipman baenen neŋ Kawawangalen maŋge indom walet mamteman keyepmti Kawawangalen buŋam zapat zempalakŋaŋ bembeyet ombemnemti nakumtetitiŋaŋ kwit ke name ŋep penan ku mambein. ¹⁰Yangut neŋ alak Kawawangalen buŋam zapat zempalakŋaŋ bembeyet ombemnemti nakumtetitiŋaŋ kwit ke timti talap ke pe Kawawangalen keŋ taoletnaŋgapmti tiwan. Âpme Kawawangalen keŋ taolet ke penaŋepiŋ ku beye yek penan. Neŋ mulup mban keyaŋ Kawawangalen buŋam zapat zempalakŋaŋ bembe ombemindemti indakumtetiye notnne silim indemti omba penan mban. Kegok mban ke nanak ku mban; Kawawaŋaŋ keŋ taolet mnamti napmukulem mme mban. ¹¹Âpme neŋ ma ekŋenaŋ buŋam zapat kwep keyegak mkoti zempalakŋaŋ bemann in zet ke nâmkĩŋpemti maip.

Zisas gakikiengatnan wageyepmti nin kegogak gakikiengatnaŋ wapmâbanup

¹²Nin Kilais gakikiengatnaŋ wawatnaŋgalen zapatnaŋ diindomangut inmagen notnaŋaŋ gakikiengatnan wawat ku tazin manzeip. ¹³Ekŋenaŋ zet tazeip ke penaŋ benak beme, Kilaisiŋaŋ gakikiengatnan wage zet ke kegogak penaŋ yek. ¹⁴Kilais ku watnak ze Kawawangalen Zet Zapat Dolakŋaŋ Penan zemkawaŋ bembenn ma ingat nâmkĩŋpepeŋin penaŋepiŋ bemâtnak. ¹⁵Âpme nin Kawawangat zewenn egaŋ Kilais gakikiengatnaŋ mme wage. Naman in gakikiengatnaŋ wawat ku tazin zewiegen nin Kawawangalen zet zapat zemyuŋguŋu an bewenek.

¹⁶Am gakikiengatnaŋ ku mawalip kekok zewanup beme nin Kilaisiyet kekokak gakikiengatnan wage ku zewanup. ¹⁷Kilais gakikiengatnan ku watnak ze nâmkîŋpepeŋin belakŋaŋ beme, yomin asesekgalen selin ŋen ku tatindanak. ¹⁸Ma am notnaŋ Kilais nâmkîŋpemti gakiwien ekŋen kogogak waleletgalen zapat bewiek. ¹⁹Nin Kilais manâmkîŋpenup ke msalen mama tapmanup kapiyelen kwitnaŋ kwitnaŋ etaŋ benak beme nâmkîŋpepe kebonŋ ke kemberaŋmak.

²⁰Yangut kekok yek. Kilais ek penaŋ gakikiengatnaŋ am gakikiŋaŋ ŋeŋaŋ bemindamti wageyaŋ mamain. ²¹An ŋenaŋ yaŋbem gakiyeyepmti nin mangakimann delaŋ zein. Yangut an ŋenaŋ kekokak yaŋbem wageyepm nin wabanup. ²²Nin Adamgat sip butnaŋ keyepmti mangakimann delaŋ zein. Sepem kekokak Kilaismak tususun tazin keyepmti gakikiengatnaŋ wapmâbanup. ²³Gakikiengatnaŋ wawat ke setnaŋ kapigok penaŋ sokbesâpm: Kilais ek ilak Bipmaŋ Kawawaŋaŋ mme wage. Âpme Zisas kosâpm kan keyet egalen amŋaneyan kekokak wapmâbep. ²⁴Kawawaŋaŋ kululuŋ ma msat kapi aseksâpm, kan keyet Zisasiyan msatgalen amobotnaŋin sambe ma Sadaŋgalen mulup anene ma winde sakam ikŋak ikŋak timtot indemti egaŋ ikŋak etaŋ Amobotnaŋin tabe. Ke ilak Kawawaŋgalen zemâtâtât katnanen mama ke sokbeme mtati Bipmaŋ same Kawawaŋaŋ damuŋ mbe. ²⁵Kan keyet Kawawaŋaŋ kasaŋene sambe timtot indeme setnaŋ kandenan tamâpme Nemuaŋ nâmpeme kwitnaŋ kwitnaŋ sambeyet Amobotnaŋin tabe. ²⁶Kawawaŋaŋ an kasa notnaŋ mtot indem metingut gakiki windenaŋ bekekokak mtot pewe. ²⁷Kawawaŋgalen Zet Itanaŋaŋ pigok zemkawaŋ bemberaŋ,

“Kawawaŋaŋ am ma kwitnaŋ kwitnaŋ sambe Kilaisiyet kandenan manŋe bempewe.” (Sam 8:6)

Zet ke Kawawaŋgat eyo ku zenzenaŋ enenogat Egaŋ am ma kwitnaŋ kwitnaŋ sambe Kilaisiyet kandenan manŋe bemindewe. ²⁸Kawawaŋaŋ am ma kwitnaŋ kwitnaŋ sambe Kilaisiyet kandenan yaloŋpemti Kilais naman ikŋaŋgat kandenan pewe. Mti Kawawaŋaŋ ikŋaŋ Kilais ma am ma kwitnaŋ kwitnaŋ damuŋ mme delaŋ zewe.

²⁹Gakikiengatnaŋ wawat keyet zemkotnetipeya ke ewe tusum zesowap. Kawawaŋgalen buŋam zapat zemkawaŋ bembe an notnne ekŋen sekŋin ketalasimti am nâmkîŋpepeŋin ekŋenmagen buŋam zapat timet diindome maindome gakiŋ. Gakikiengatnaŋ wawat ku tazin beme eneyet ekŋenaŋ kekok mamip? ³⁰Âpme nin kekokak, kwilekiyet kwitnaŋ kwitnaŋ ndawalelegalen mme nâpemti set keyegak mamâtnup? ³¹Kilaismagen notnne, neŋ Amobotnaŋaŋ Zisas Kilais ekgapmti ingat keŋ oloŋen mambein. Zet kapi penaŋ sukwep diindoyap. Neŋ kasup kataŋ nukŋaŋ sambeyan naminzilime gakikiyelen etaŋ mamkwalap. ³²Neŋ Epesa mkaen an songom kukŋaŋberŋnok ekŋenmak auwan. Nukŋaŋ tiwan

keyet penañan kwileki tiwap? Gakikiengatnan wawat ku tazin beme nen kapigok zema nep besem,

“Senen mene gakiwanupgat alak tu meu akuman kwaopme nim wianwian temañ mne.” (Aizaya 22:13)

³³Am mama mimiñin bekanan ekñenan zet kelakñan mti indatetim mebep beme ingalen mama mimi dolakñan ke mme bekanan bewe. ³⁴In yom mamip ke katikpeit. Mti eksemti mamambep. Inmagen notnanan Kawawangat yanan dolakñan ku nãmâtâlíp ke sakambukñanmak.

Gakikiengatnan sek alakñan timti wabanup

³⁵Notnan ekñenan kapigok mene yankwesiwiek, “Gakikiñan ekñenan zigok mti wabep ma sek sepemin zibonmak wabep?” ³⁶Yankwesisi ke ku nãmâtâti belak kileñ zenzenañ. Alik alik katnan notnan maondeip ke mamañan sambume dukñan alakñan makwazin. ³⁷In alik alik katnan notnan maondeip ke dukñan mitimti ku maondeip. Nin sangom ma kawek mee kebon ondemann dukñan ñenan patan zemkwapme bam sinan betnan mamin. ³⁸Âpme Kawawañan zemâtâtpeye keyet katan kwati penañan ikñan keyek masokbein ma katnan kegogak sepem ikñak ikñak masokbein. ³⁹Sekñanngat yanan kegogak sepeman kwep penañ yek. Am ningalen sek sepem ikñak ikñak ma songom ekñen kegogak sek sepemin ikñak ikñak ma age ekñen kegogak sek sepemin ikñak ikñak ma tuyengalen songom ekñen kegogak sekñ sepeman ikñak ikñak. ⁴⁰Msat kululuñ palen kwitnan kwitnan tazin ke kululuñen ekñen sepemin ikñak ikñak ma msalen ekñen kegogak sek sepemin ikñak ikñak. ⁴¹Ma kasup ek busatnanan sepeman ikñak ma eyonga ek kegogak busatnanan sepeman ikñak ma wenzim ekñen kegogak busatnanin sepeman ikñak ikñak. Wenzim notnan ekñenan nolineyet busatnanin sebemindemti ego egoñanmak tapmelip.

⁴²Gakikiengatnan wawat ke sepeman kegogak tazin. Msalen bembenāñan sambumbuyet zapat; wabe ek mama kanzizit mamayet zapat mambe. ⁴³Msalen bembenāñan waleletnan ego egoñanpin yangut wabeyen elimiakñanmak ma ego egoñanmak. Msalen bembenāñan windenepin yangut wabeyen keyan windenāñmak. ⁴⁴Bembenāñan msat sekmak, wabeyen kululuñ sekmak. Msat sek timti manup kegogak kululuñ sek timti mambanup. ⁴⁵Mama msalen sokbemti manup keyet kapigok zenzenañ,

“Kawawañan an kukñanngatnan weyanñi mama saye kwitnan Adam ke.” (Sokbembe 2:7)

Âpme mama alakñan titiyelen ke Kawawañan Nemunāñ Zisas gakikiengatnan mme wapme saye keyepmti egañ mama alakñan mama kanzizit ndawe ke egat An bamgatnan Kawawangalen zelan manzemkawan bein keyet katan. ⁴⁶Msalengalen sek ñenan ndame

timti msalen kapi mamakup; bamgut kululungengalen sek ndame timti kululungen mambakup. ⁴⁷An nɛnaŋ ek Kawawaŋaŋ msalaŋ mgeyepmti msat kapiyelen an beye. Âpme An bam ek gakikiengatnaŋ wapme kululung sek sasaŋaŋ. ⁴⁸An nɛnaŋ msalaŋ mge kegogapm nin egat iŋsokɛne bemti msat sek timti mamakup. Âpme naman An bamgatnaŋ kululung sek timti mamaingapmti nin egalen bemberaŋ kogogak kululung sek timti ekmak mamti mambakup. ⁴⁹Âpme an msatgalen sek sakam tiwenn sakam keyet kataŋ maneti bam kululungengalen An iŋnaŋgalen sek sakam timti mambakup.

⁵⁰Kilaismagen notnne, neŋ zet nɛn pigok zema nâit. Am msat sekmak ekɛnaŋ Kawawaŋgalen zemâtâtâtgalen katnanen mama keyet keŋan ku mebep. Ma kwitnaŋ kwitnaŋ sambumbuyelen ekɛnaŋ mama kanzizitgat toŋaŋ ku bewep. ⁵¹In weyaŋ tati nâme zet enzililiŋaŋ Kawawaŋaŋ am nɛn ku diindoye ke neŋ dinoyeyepm ingat pigok zema nâit: Nin notnaŋ ku gakimann Kilaisiyaŋ gilik zemkopme nin sambe asekti sepem nɛn bemâbanup. ⁵²Lumun temaŋ kuwe keyegak nin sepem asekmek iŋjak nɛn bemâbanup. Âpme gakikiŋaŋ ekɛnaŋ sekɛn alakŋaŋ kululungengalen kemak wabep ma alik mamakup ningat sekɛ kapi asekmek sepemaŋ nɛn kululungengalen zapat bewe. ⁵³Sekɛ kapi gakimti masambum yek mambein ke mgilik zemti naman ku waleletgalen ke timti mama kanzizit mambe. ⁵⁴Kegogapmti sekɛ tetak ku mamayelen pi mgilik zeme tetak mamayelen sokbewe. Kan keyet zet pigok Kawawaŋgalen Zet Itnaŋane Itnaŋanen zenzenaŋ ke penaŋaŋ sokbewe,

“Mamayaŋ gakiki wilige.”

(Aizaya 25:8)

⁵⁵“Kawawaŋaŋ gakiki ilak windenaŋ mtotpein. Gakikiyet windenaŋ ninmagen ewe ku tazin.”

(Hosea 13:14)

⁵⁶In kapigok nâit, yom ke nombe kuknaŋbengat zetutunaŋ nembongapm ndime gakinup. Zii zelaŋ nin an yomtoŋ zemti keyet dopmaŋ manzemndomwaleletgat zapat manndein. ⁵⁷Kwitnaŋ kwitnaŋ ekɛn keyelen windenaŋ ninmagen nɛn ku tim tazin enenogat Zisas Kilaisiyaŋ gakimti windenaŋ tim totindeye keyet nin Kawawaŋgat wisikɛ manzem mamambakup. ⁵⁸Kogogapmti Kilaismagen notnne, in katikŋaŋ bemti tabep. Mti Amobotnaŋgalen mulup ɲokkaŋkaŋ kumti windenaŋ bemti mbep. Amobotnaŋgalen mulup mbep ke penaŋepiŋ belak penaŋ ku wembe ke nâmkatik bemti mbep.

Kawawaŋgalen an imbi towewenaŋ indamukulem mimiyeleŋ tewalaŋ akukuyet diindoye

16 ¹Kawawaŋgalen an imbi towewenaŋ ekɛngat mukulem mimiyeleŋ mânep akum besât nâmbep beme Galesia am diindowan sekem kegogak mbep. ²In mânewin tiwep kataŋ butnaŋ nɛn kalaŋti Sonda kataŋ eweŋanek mkaŋinan mopmangat Kawawaŋgalen tewalaŋ bembeyet

wisimti beme tabe kogogapm neŋ ke tisât kopma in nâmkwindendepiŋ âlâkŋak bewep. ³Neŋ inimagen kot patanŋ zemti an zemindewep ekŋen zemâtâtât papia ŋen kumindama tewalaŋin akum bemberanŋ kemak indame timti Zelusalem mebeŋ. ⁴Ma tewalaŋin sambe neŋ nsakwep mebegalennok bewe beme ŋep mebanup.

Pâlaŋ Kolin ekŋenmagen met indidikgat zet beme mege

⁵Neŋ Masedonia msat kuma balaŋ zeme mamkotne kotne inimagen kot patanŋ zewap. ⁶Neŋ Masedonia msalen kwesiŋ penanŋ ku mambap, winde bemberak inimagen kobap. Inimagen koti inmak belaknik bugan mambap ma inmak ke tapmetnepema mawalam kanen delaŋ zewe mene. Ma in set aikneme neŋ katim indemti butnaset ŋen mebaŋ. ⁷Neŋ inmak abatatat palen kotati mebegat ku nembein inmak ke Amobotnananŋ nâmneme koti inimagen kan teepmaŋnik bugan mamayelen nâmti zeyap. ⁸Neŋ pi ewe Epesa mkaen kapi mama Pentikos Kendo bewe. ⁹Pienen Kawawaŋanŋ iŋŋaŋgalen Zet Zapat Dolakŋanŋ Penanŋ zenzeyelen set weyaŋneme mulup temaŋ penanŋ sokbemnain. Yanŋut keyet keŋan Kawawaŋgalen Zet Zapat Dolakŋanŋ Penanŋgalen kasa kuku an notnanŋ tapmaip ekŋen neŋmak ŋeŋbeluŋ beluŋ mti mulupnnangat kasa bugan tapmip.

¹⁰Timoti egaŋ inimagen koti kingatpeŋ mambeyet kopme ekti in wati mkitikpewep. Neŋ Amobotnananŋgalen mulup mamiyap egaŋ mulup keyegak mamin. ¹¹Keyepmti in egat nâme tototnanŋ ku bewe. Ek ekdamuŋ dolakŋanŋ mpemti peme ewe gilik zemti nenmagen keŋ sewakŋanŋ palen kobe. Neŋ ma am nâmkinŋpepemak notnanŋ nin egat damuŋ tapmanup.

¹²Ningat notn Apolos ek inimagen am nâmkinŋpepemak notnanŋ indatime inimagen kokogat zeginŋiŋ mpema egaŋ nâme bugan nukŋanŋnik bein. Egaŋ kan kapigogat ku kobe bam maneti iŋŋanŋ inimagen kokogalen nâmtiŋgut kopme ekbeŋ.

¹³In nâmkinŋpepeŋin mme toweweyelen nukŋanŋ sambe kobeyet eksemti tabeŋ. Ma Kilais kogogak giŋgiŋ nâmkinŋpemti mambep. Am windetoŋ ekŋenaŋ nâmtalat matalipnok in kogogak nâmtalati mamambep. In mama mimi bekananŋ ŋen nâmpeme keyanŋ ku indikdamuŋ mti tabe.

¹⁴Kogok mti kwitnanŋ kwitnanŋ sambe gogot palen mbep.

¹⁵In Stepanesmak am egalen mkaen matalipgat yaŋaŋin nâip. Akaia msalen an ke ma am egalen mkaen matalip ekŋenaŋ ŋeŋanŋ bemti Kawawaŋgalen Zet Zapat Dolakŋanŋ Penanŋ nâmti nâmkinŋpepe aikbien. Ekŋenaŋ dapmelangeyelen damuŋ mamti Kawawaŋgalen buŋam zapalaŋ palakŋanŋ bembeyet mukulem eyo mamip. Kilaismagen notnne, in kapigok ewe mimiyeŋen zema nâit, ¹⁶in ekŋengat nâmindeme mopme an damuŋ sambe neŋ mamiap sepem kegogak mâti mamip ekŋen eksemindewep. ¹⁷Ingalen an damuŋ kapigogaŋ neŋmagen Epesa kobien Stepanesmak Potiunetas ma Akaikas ekŋenaŋ kopme neŋ indikti oloŋen

penaŋ mimindewan. Ekŋenaŋ ingat munduminan koti ingat zet zapalin mname keyaŋ keŋŋ mkipmaŋ beye. ¹⁸Dolakŋaŋ penaŋ an ekŋen kapi zemindeme kobiengapm nâgât keŋŋ ma ingat keŋin kogogak msewakŋaŋ bewien. In an keboŋ ekŋengat kegogak nâme dolakŋaŋ bewe.

Pâlaŋ amŋane indamukumindemti zemgwatnaŋ mimindein

¹⁹Nâmkiŋpepemak am Esia msalen maip ekŋenaŋ in indamukumindeip. Akwilamak Plisila ekŋetgalen mkaen am nâmkiŋpepemak maondegiŋ ma egelaŋ Amobotnaŋgat pembedaŋgapm in gogot palen indamukumindeip. ²⁰Kilaismagen notnne neŋmak pien taliwaŋ indamukumindeip. Kawawaŋgalen Zet Zapat Dolakŋaŋ Penaŋ mâti maip ilinak bet butem aimti oloŋen palen mambep.

²¹Pi neŋ Pâl inda mukukuyelen zet kapi betnnaŋ penaŋ meluwaŋ kumindayap.

²²Am ŋenaŋ Amobotnaŋgat wisat mbe beme ek teziŋ ŋandengat zapat bewe. Amobotnaŋ, geŋ kot!

²³Amobotnaŋ Zisas Kilaisiyelen keŋ taolet inmagen wemti weweyet mandunduyap.

²⁴Neŋ Kilais Zisasmagen tusumtati in sambe nâmtikŋaŋ mimindeyap.